



舊雨齋集卷五

錢塘 施安



萬松書院新成玉壺留月兩臺用王半山游亭

詩韻

曳筇城南埃衆峰何亭亭崇臺有遺構位置逾丹青朝
霏與夕暉流目無閑寧冷然白玉壺裊展得小停魯侯
置酒處江湖爲軒櫺坐久涼飈飛落葉烟冥冥

十研齋詠蠶豆得豆字

荷鋤隨園官學種一頃豆暇讀月令書小摘春雨後平
疇交桑陰細埂通溪溜卻趁吳蠶眠嘗新當麥候色翠

奪筠籃土香雜蒸餚詎惟供殘牙兼可備寒糗社僧南
屏來滿把出烟岫空庖屏魚蝦一飽懽童幼風味配茶
杯清甘猶可漱

櫻桃得內字

江南四月時鄉物逾可愛入市見含桃紅肥綠細碎曉
霞映筠籠如出寢園內我非杜陵翁飽食愁病肺誰栽
西蜀花卻與艸堂對遶樹爲清吟底用思沆瀣一笑藜
莧腸咀嚼近亦再預防漬青蟲狼藉紛研北

題王叔明松南小築圖

涼堂雨過風林清忽展斷縑雙眼明畫圖似奪巨然筆

家法舊推文敏甥松頂浮嵐溼雲氣樹頭飛瀑喧秋聲
此中閉戶者誰子令我彌深巖壑情

臯亭山觀競渡

綠蒲節近雨疎疎忽破晴光一夕餘野渡人喧蠶市後
柳陰風泊酒船初新愁已罷湘靈瑟遺事猶傳荆楚書
看盡水嬉還小立樊川歸路重踟躕

題文休承黃岡竹樓圖

黃州古陋邦往往多竹所先生典郡初度地營烟墅屋
材搜琅玕綠陰忽交午繚以三重簷于茲列家具泠泠
蒼霰中時聽幽脩語杖履久寂寥歲月指堪數坡老復

繼之懷賢薦芳醕公實千載人我方一笑許至今兩黃
州後先如結侶文嘉老畫師停雲見餘緒谿山妙經營
秋聲入敗楮樓頭仙人居仿佛著書處斯人不可見遺
構誰爲主安得攜茶鐻欵門坐銷暑

大理石硯屏用東坡月石硯屏韵

迢迢碧雞雲直上捫井星風烟六詔來萬里群峯矗立
排重屏何年鬼斧鑿蒼石離離黝質光搖睛案頭經尺
起寒色煙巒窈窕瓜縷明天然刻畫有真態辣鬪皴法
誰所評我聞集古堂中所蓄更奇絕孤松萬歲上有猿
猱爭又疑玉羅漢蒙頭兀坐當軒櫺玉羅漢屏見清異錄水墨渲

染苦未到見少恐令俗士驚故人好事突過吳興老靜
對不須風篁鳴趙子昂有風篁石松陵小詩傳五貺何如硯屏

一角幽窗橫朝來雨氣潤螺髮膚寸雲起連寒泓髯乎
髯乎何不置之丑坐定甲乙卧看十九峯頂飛泉傾

擬出城觀荷花簡恒上人

不辭種藕踏春泥已見田田荷葉齊夢去第三橋外路
紅香吹過綠玻璃

湖中新漲過隄沙湖面風蒲帶雨斜輸與阿師吟七字
袈裟船上看荷花

爲寸田賦高麗摺扇用山谷松扇韻

筠根摺扇網以紙黃月半梳巧相似攜來萬里滄溟東
丹青仿佛乘鸞子六月已覺秋聲寒眼中了了神嵩山
我疑許筠題字處一握動搖烟霧間

竹夾膝仿溫飛卿體

炎光掃空露華冷圓玉壓肌酒微醒笛材六尺翠爲衣
虛中巧貯瀟湘影清暑承恩團扇同簞紋勻染汗珠融
爲郎宛轉就郎抱夜夜雙栖明月中

題趙承旨墨竹贈設林

昔游虞仲鄉寓樓方卧雪有客急歛門示我承旨筆披
圖眩寒陰冰霰忽交冽苔石瘦如籀風枝似飛白不入

畫師譜運斤妙無迹仙人綠骨輕飲水忘內熱相對逾
朝昏墨香堪小啜節縮衣食費破慳酬其直攜歸舊茅
堂涼颼掃空壁裝池戒礬煎曝防蝨齧故人嗜好奇
一笑心莫逆爲言金錯刀突過仇池石簫材與篔簹材底
用勞區別可憐徒隸輩耳食辨甲乙我無桓立廚通靈
詫神物漸空愛染心脫手猶戀別從此議食單寒具可
供客願爲青琅玕保此歲寒節集古恐未暇烟雲聊一
瞥

南屏萬峰房坐雨分韻

小憩僧窗正午晴忽添飛雨度高城一湖秋暝爲雲氣

萬竹陰多聞水聲
莎徑行防雙屐墮
蘿衣陡覺薄寒生
題詩記取南屏路
颯沓蒲荷送棹行

嵩山漢栢數株篇爲月田先生賦

嵩陽古栢夙所稱
人言封爵來茂陵
兩株三四圍一株
千尺尤蒼稜
霜根未許螻蟻穴
鶴髮上卷狢獠藤
何年枯枝崩黛色
琢爲戒具伴瓶鉢
玉珠走盤數更多
金繩脫串香不滅
老人得此亦安用
六時消遣數龜息
傳聞少室頂中有
面壁人西來已不立
文字念念定慧何由
紛或者笑指庭前樹
手提諸佛轉法輪
臥游忽過聽經處
秋聲蕭颯搖蒼鱗
君言此樹萬劫翠
不枯閱世已歷

周秦餘圖經所述知非誣
纍然禪榻供跏趺
木蘭之櫝勤收儲
請君妙用師文殊

雨霽集湖上送家夔齋調任清溪

重携別酒過湖濱
漠漠輕埃拂帽裙
水滿杯堪浮翠激
山寒舟忽度春雲
鷗邊聽雨人猶昔
郭外看山手暫分
百里餘不鄉路近
好畱治譜在榆枌

夔齋系出吳興而家于宛陵者

試龍井茶用東坡試院煎茶韻

龍泓地瘦靈草生
春旗團社聞雷鳴
雲龕月澗名細碎
安得桑苧一一評
重輕無味之味義
非二舌本能叅老
禪意竹裏安排手
自煎瓦瓶新汲參
寥泉舊聞鬻茶重

吳蜀綠塵繞磨如屑玉今年苦旱愁春飢鳥爪斷取煩
蛾眉君謨何爲作此事鬪茗但遣官奴隨啜罷一笑姑
置之山中試聽小鳥初喚時

晚出東關

五里橫塘外橋迴尚見城樹陰交水綠野色就船明物
候蠶門寂人家槐夏清無端動游事尊酒話幽情

曉行臯亭道中和樊榭韻

閑身端爲看山忙四月牽船趁曉涼時有雞聲出茅屋
早隨鷗夢過陂塘平鋪隴麥翻風細倒映汀蒲覆水長
轉惜故人歸興劇不來同試石泉香

時堇浦先歸

坐安隱寺泉上

野寺何陰森我來聞梵放閑尋田水聲微徑導孤杖當
門泉一眼綠淨喜無恙松風搖空潭時作飛雨響人影
在其下苔色濺衣上石潤被淺莎沙明盡纖浪小坐試
冰甌三漱滅塵想當時玉局翁於茲愜吟賞誰爲補茶
經幽事付吾黨

景星觀訪正真人遺跡

永和隄畔停柔櫓欲訪仙扉隔深塢行窮香篆始入門
舉頭但有松杉古正山名字誰復知丹竈石牀在何處
道人偃僂前致辭幾經埜火爲佛宇琳房此日還舊觀

蘋藻無人薦栗主吾家肩吾隱洪州一時放杖愛颺舉
由來仙籍多詩人賣藥負薪安足數夜深月上聞吹簫
定騎黃犢還鄉土不須惆悵人民非池邊試覓鷗兒語

題廣嚴寺壁次困學老人韻

行盡桑陰見佛祠晏溫天氣麥秋時人家蠶市通魚市
來往農師更圃師聞有烟雲留宋楮誰從劫火訪唐碑
石函經卷多零落空咏鮮于覽古詩寺有坡公與趙令
爍唱和詩今不存

明因尼寺

何人學佛始阿潘身辭妝閣來祇園式又三鉢自區別

後來捨宅何其繁臨平湖東見寒殿云是黃奴之所建
濃花翠竹隱精廬鳥語經聲渡幽篔寶坊遞及開元年
賜金賜書猶喧填蓮花開徧清淨國天女不居粉澤田
邇來興廢供彈指元家置站等滯肆但令妙舞學天魔
未許嬋娟證初地嗚呼末山無人劉磨亡袈裟零落後
猊牀白頭住持爲我語手剔碑碣苔痕荒華嚴閣中奉
宸畫至今猶發旃檀香石幢矗立疎林外小泊游船話
夕陽

繡谷先生墓下次樊榭韻

霽色沿歸路深村見殯宮浮生雙屐外宿草廿年中溪

水春逾綠山容夏漸融飄零酒壚約何處問黃公

宿清谿寓樓

餘不亭外路最好是溪光並檻移孤艇鳴榔近臥牀廿
年尋釣地五畝憶林塘不寐傾殘酒迢迢燭影涼

飲葉齋清谿縣署

小別輒相憶殘春問起居官身狎鷗鷺風俗祇蠶漁易
盡三升酒仍開一袂書白頭還聽雨此意更何如

謁織簾先生祠

尚有高風在荒祠抱郭徧青山明社火春草接溪田身
已鑿坏隱名同織屨傳授經吾豈敢都養亦欣然

半月泉

出郭見山色一徑通烟村是時春向晚林木秀且繁散
策信逶迤指點青松根孤亭覆泉上疊石如繚紉泉華
噴飛雪爲我清心魂玦環誰所破不見斧鑿痕或疑蝦
蟄蝕匿影玻璃盆道人供汲飲詎比井水渾茲游繼坡
老題詩酌匏尊五字有遺響餘子徒紛喧我坐轆轤畔
洗耳聽潺湲重來待月上與子漱瓊璠

陸機詩石
泉漱瓊璠

盆山以東坡盆山不見日艸木盡蒼然爲韻

坡老愛仇池百金買孱顏誰分一峰影位置益益間曉
來潤宿雨几上橫烟鬟草樹如牛毛點染苔痕斑黛色

浸波底倏然魚計閑我疑空青內只尺非人寰茅堂近
市舍突見平遠山合眼卽洲島無事勞躋攀

蘆筍分用坡翁和子由記園中草木詩韻

我家江南岸種蘆成青林過雨抽春苗綠淨顏自矜參
差各抱節守孱如不任充廚苦味淡聊以供吟襟蕭瑟
水烟窟誰遺白玉簪空叢掠漁艇影共波淺深但看飛
秋雪過眼分衰興汀洲野鴨多畫手知誰能

五月十七日梅雨初霽泛湖過芟公丈室分韻

湖波搖空靈破曉收殘雨扁舟截其中淥淨山可數我
輩浪蕩人一晴天所與迹避城市喧情以寂莫取柳陰

叩寺門定禽已交午禪栖方結夏挂壁閑草履爲我分
蒲團坐對思惟樹逆鼻紛優曇妙香來無處微聞南屏
鐘棹入藕花住

六月八日同董浦謝山泛舟蕙江歷游西石大黃諸勝

渡江暑雨收一涼似新獲閑赴酒人招沙路散輕策塔
鈴韻微風導我入淨域茲寺創何年佛傘半剝蝕緬懷
支許流經牀此棲息一樓俯青林縱目紛埜色飯餘歷
東峰路迥嵐陰逼高頂開瓊扉松雲蕩心魄殘僧寡酬
對茗粥亦時設洒洒巾舄寒泉華迸地脉俳佻出烟蘿

諸景紛兀突

謝山偕家蘭垞將爲衡嶽之遊賦七言長句樊榭和其詩且訂其先遊臨平湖予亦次韻

君如孤鶴語寒冬飄然影度清江中褚公里前一握手
塊磊入酒都消融停杯告我遠游計掉頭不羨東飛鴻
芙蓉石廩待颺馭要將健屐追韓公雲濤烟浪一帆過
曳杖徑投南巖宮同游武子亦健者詩草稠疊填髹筒
江山入手供驅使譬彼李杜稱兩雄絡絲潭邊啜茗罷
石牀支枕眠松風我亦青鞋狎魚鳥但乞方便開塵籠
中年未遂向禽志七十二峰羅心胸看君先踏藕花路

陳跡指點煩篙工公等幽事動不朽而我閉門且作南
巷翁

題茨檐義橋村齋圖

故人不相見一水隔橫塘閉戶過蠶市鈔書滿瘦牀殮
錢煩地主家學徧兒郎莫問寒羶在生涯老漸忘
村巷過從少午餘攤飯眠解嘲多弟子遣事有詩篇嬾
踏槐花路歸尋春水船無人憐被褐蕭散白鷗前
試問村夫子傳經更幾家濁醪資醉醒餘事問桑麻谿
樹過橋暝秋暍抱屋斜此閒風景好底用乞煙霞
交情唯落拓一研結相於敗絮何慚爾空囊恆晏如經

藏伏生壁人誦柳州書鄰巷寒梅發冰霜滿敞廬君鄰居不戒于火幾有毀室之累

游支硎山

竟踐西山約扁舟泛縠紋石門幽徑圻烟梵數峰聞清
唳思孤鶴層闌度白雲巘栖何日事林下緬遺芬

題法螺千尺雪諸勝

遺構烟中出雙扉面石開乍聞山鳥喚爲問墓田來佛
座圍寒碧風牀受落梅殘僧愛陳迹日日掃莓苔旁爲趙凡

夫遺迹有空空谷

盤盤白雲頂石丁見精廬飛瀑侵衣上落花當午餘軒

櫺開窈窕蔬筍飽清虛許我携眠具秋來聽粥魚

鷓鴣湖送春同樊榭

鷓鴣湖邊繫客舟買魚沽酒話清遊浮雲飛絮模糊甚
何處春歸辦得愁

春日泛柘湖

柘湖新漲後一棹縱閑身昔是同游地今爲獨笑人幽
禽喧密竹埜館貯濃春好事煩朋舊東風勸酒頻

題生還圖

蕭然籐笈趁烟霜天許閒身返故鄉往事千金看贖背
微生一葉墜籓牆但思調餽情尤切便說歸田計亦良

指點家山風景好
薜花秋老讀書堂

題文衡山寒林瀑布圖

木落風蕭蕭一徑蒼然暮疎林淡秋烟前山見瀑布彷彿坐石梁于茲列茶具泠然紙上聲鬢絲忽飛雨

過滿月精舍與樊榭旭瞻茶話

路逐荒塍轉蕭條見寺門尋秋過淨域執手共清言苔竹涼陰颭風蟬一樹喧此間容卜築烟景似南村

調南漪用涪翁韻

故人好酒杯杓俱劣有小鬟工校書劇知中年賴陶寫無事仙籍尋蕊珠日長清坐味道腴蛾綠大可食相如

秋衾今夜怨涼冷何不扁舟共五湖

南漪方客廣陵

晚過潮鳴寺

暝色入徐步茫茫感廢興秋潮喧佛屋落葉亂龕燈翠墨題猶在

寺爲宋高宗駐驛地

行都迹可徵村翁煩指點幾度曲

闌憑

月田先生招往湖上不赴承示佳什奉答三首

寬狹無鄉可散愁空煩湖上喚扁舟涼鷗涼鷺如相問爲報山人學臥游

吟場日日惱比鄰空谷蕭然過故人

是日茨檐適至似卽偕先生出游似

與荷花有前約涼波如酒雨如塵

郭外烟波第四橋柳陰一棹影蕭蕭放生池上秋風候
苦為尊羹憶老饕先生來詩有煮尊之約

南香艸堂食秋尊分得九佳卽寄穆門

新涼有約過莎齋卻喜尊羹下筯偕家近烟波供客易
味宜鹽豉入秋佳閑來方物添詩料醉裏貧交戀別懷

倘為西風緩歸棹早煩鄉信寄吳鞵時穆門客吳淞

泛湖至孤山訪芡虛上人

嫋嫋涼颺動白蘋船頭秋影落湖漚連朝忽辦看山屐
一宿重來聽雨人雲壑此生終不販茶瓜有味亦相親
蓮花松島歸何晚試與閑鷗話淨因

繡谷亭觀丁硯林所藏宣德紙用山谷玉版紙

詩韵

白頭學書耗紙竹吾友好事繼坡谷一番示我內府珍
純堅瑩膩如截玉舊物流傳宣德年上方供御填車轂
廣寒殿裏點筆新一笑楮材賤吳蜀景陵花鳥散春風
劫火天教畱此幅當年製作出波工椎冰千杵蓬池曲
霜紈奪色價百金冑為朱門徒隸辱銅匱魚白花藝青
入市紛綸艷凡俗如何此紙反寂寥僅與宣和同譜錄
冷金箋共瘦金書興亡易辨如麥菽不須更說阜羅厨
空貯江南愁萬斛

坐竹間亭子同穆門堇浦柳漁抑齋分韵

吟懷蕭散山作緣脩竹一徑導我前涼生壞衲染綠霧
影落清簟搖蒼烟停車已作入林客移榻不妨攤飯眠
他日西湖續八社茶瓜結夏隨枯禪

同穆門江聲葭林甌亭寸田汎舟過城北水房
訪抱樸不值

到此如相避林亭趣轉孤空尋鷗鷺約獨與水風俱返
照明烟嶂疎陰臥荻蘆比鄰游釣地佳節待招呼

重九前三日泛湖

乞得西風一餉閑滿湖晴色破天慳敗荷涼入尊中酒

落木秋明郭外山老去烟霞思結托貧來節物戀鄉關
黃妃塢下經行處重與謙師試茗還

復園池上秋荷

古堞沿溪陰一棹集烟渚欵門來酒人解帶消殘暑開
軒水四圍秋痕知幾許中有青芙蓉吹香到白苧宜喚
濠梁崔著筆荒寒處高林烟疎蟬野色通幽墅是宜縛
魚牀而可貯溪雨我方不速來晚涼勸小住爲洗藥玉
船小啜荷心苦

秋陰集復園分韵

小紅橋畔認林廬最好秋光過半餘野水忽明幽鷺外

春南齋集 卷五
涼雲未放一峰初西風引我來閑地詩意憑誰付老漁
雨不成時轉蕭瑟細傾酒盞聽菰蘆

朱鹿田太守招集寶奎寺分韻

深巷見山影似赴幽人招一徑入寺門曲折通疎寮尋
鐘諸衲靜拾級陰殿高遠日出林表落日逾蕭寥想見
雪霽時詞客聞吹簫流傳喬相宅陳迹餘團瓢當年盛
甲第過眼埋蓬蒿觀其上梁文中心爲怛怛藤陰見翠
墨筆勢如瘦蛟緬維嘉熙來歲月何迢迢傑閣已傾圯
茶烟颺僧庖猶存空龕像正笏垂風標憑闌指往蹟餘
事供吟謠興盡曳歸屐黃葉風蕭蕭

擬靈運齋中讀書

歲晚息羣務寒日明前除消搖茆簷下朗誦黃虞書冥
心契道妙萬篔工佃漁始知游目廣今古同相於迹往
風未邈良晤匪踟躕想見千載人斷簡流芬腴頽然類
養疴白髮甘田廬

集清勤堂咏洋玻璃燈

癡雲峨峨凍初醒老蚌吐燄開清鏡島燹鑪鑄出天巧
細鏟蛟冰不孤映罽袍小立雲母屏金床騎象邀娉婷
似憐瑤席闕清艷借汝光影輝寒廳銅鳥不動夜如水
得替明珠懸帳底諦看粉本如畫空物色試徵海東史

花朝穆門招遊北郭至臯亭看桃花卽送柳漁
入都分韻二律

東風轉晴色郭外共延緣芳草連畦綠春流抱岍圓花
多敲短釣魚樂導游船丙舍仙源近經過不記年
村路游踪在幽情未肯闌春如二月好花記一年看落
日啼鶯緩青山別酒殘吾曹同泛梗終老媿園官

二月十五日泛湖

東風回首感年華爲續清游趣轉賒病起青山如笑客
老慚白髮尚看花柳絲烟暖飄歌扇湖影春深漾釣沙
只恐流光等閑度中宵待月在僧家

夜泛三潭同穆門樊榭柳漁恒上人分韻

重湖人散生晚烟柳枝婀娜水底眠委波月色動酒殘
壓隄花氣浮春船半夜獨吟佛幢靜三塔近看漁火然
誰與共者嵇阮侶勝遊如此當流傳

爲西顥題花塢卜居圖

平生暮林栖買山力未逮舊游西溪西置身漁釣內小
舟蕩春潭家具思共載此間風物殊水木有幽態如何
人境牽竟與初意背故人寫作圖深宅環花埭非買隣
季雅類避地种岱板輿奉慈親樂事天所貸閒尋北磻
僧行抱東田耒左林右水間耳目曠無礙而我衰疾餘

讀書發遙慨從君分井闌卜居期相對

訪毛隱士居同王誠夫

自攜酒榼過茅堂高隱無人識杜郎夾路松陰靠山屋
此間風景似黎陽

抱疴雜述

我讀鵲鴿詩中有一掬淚兒時覓梨棗亦覺貧可喜殘
春風雨多扁舟渡揚子脫手翻別離問訊憑夢寐清淮
短札來聞住南朝寺誰書零丁帖爲我招遊子

當年交陳蕃落落彈古調祇知馴白鷗誰令賦窮鳥辛
苦官桂林人烟雜蠻獠失計緣鑠金幽囚昧昏曉雖荷

皇天慈物論徒悠謬廿年黃金臺歸信孤鴻杳

中歲抱孱躬攝生乏奇術漸疎粥飯緣藥果煩煎炙六
時闔蓬榭枕手類卧佛家婢解歌詩鄉里時問疾番番
杜鵑風吹髻逾蕭瑟中宵耿不眠龕燈照虛壁

柴桑洵高士乃爲薪水謀一篇責子詩仿弗田家流吾
生亦屢空白首忘苟求牀有書百弓囊無金一鉤倘非
渴羌飲寧免杞國憂終當畢婚嫁五嶽窮清游

與衡齋論詩

好詩有苦心舉世幾人知惡詩如惡人傾耳聽者誰聞
之玉局語清詩要淘鍊試咽玉池清噓以冷風善聖唐

有作者李杜高其藩江河垂萬派誰探龍門原我昔耽
聲律始自小學年罷奏箏笛響獨謠秋水篇辛勤十載
餘風雅窺門戶時逢飯顛山戴笠吟卓午諸君清廟器
目力窮三墳要當追正始鄭衛安足云吁嗟耳食人軒
輕分人代誰從蘇門游鸞鳳散清籟

秋日許復齋招集雪莊

闌干一角繞湖流小築真成鹿柴幽此段荒寒詩味好
枯荷折葦不多秋

舊地尚鄰顧况宅故人來合雪堂尊多情一片閒鷗影
猶爲秋衫驗酒痕

丹井山房顧且菴前輩別業也與雪莊鄰並

觀坡公雪浪石刻本卽用原韵同樊榭授衣作
眼中片石蒼烟屯厥名雪浪尤稱尊元祐罪人留墨本
摩挲尚覺苔衣昏何年天遣一星墮妝點水墨成孤村
崩崖深黑人徑窄驚風急雨喧礪門時清戰具可不用
令我懷古紆吟魂百年石氣化精鐵海上流轉隨蓬根
坡公賦詩亦遊戲置紙響揚松煤痕秀句急遣卯君和
往事惜無蜀客論我從塵土見峯律坐看海水翻空盆
乞歸珍重載行笈王郎長物今猶存

七夕

誰掃涼雲淨碧天井梧吹墮月娟娟盪舟欲泛牽牛宿

舊雨齋集 卷五
賁酒難支天帝錢書報刀鏹空有約香分匏爵竟無緣
與君笑指塵中說差跌今年又一年

爲復齋題焚香默坐圖

幽棲最好傍雲嵐到處清機是舊諳不用結跏成瞑坐
已疑人在自然菴

此身仙佛本難兼屏當塵緣味轉恬偶有會心剛一笑
杏花春雨太廉纖

同穆門江聲葭林菴浦柳漁集瓶花齋賦贈魏

更生

林下終嫌識面遲肯從塵土別妍媸掃除蔬筍無餘味

收歛冠巾又一時龐老尚畱居士號東坡自署罪人詩
眼前榮辱君休問且醉涼堂濁酒卮

舊雨齋集卷五

舊雨齋集卷六

賣卜行爲許初觀作

錢塘 施安 竹田

武林市上逢許遵手持一卷河洛文自言薄遊不稱意

仰屋但看吳山雲前年與君初識面十研齋中分酒醖

杜詩韓筆遞賡酬二老風流今在眼謂穆門樊榭開簾竟作

賣卜人洛陽年少時相見頭銜將老鄭虔官百卷應同

遵世誤朝來西市爲誰占買魚作鱠聊一飯吾儕坎壈

亦可憐漿房蔥肆名空傳門前俗客且勿應甕中之婦

方爭妍請君更學陶成筆一幪丹青作聘錢買魚作鱠楊伯醜事

見北史

題筠谷先生探梅圖

先生冰雪人夙抱梅花約還山未白頭風味耽寂寞江
南歲晏時冷豔畫籬落意行曳孤筇獨往無酬酢林壑
入幽懷水竹寫高格如坐鄧尉峰白雲度浮閣天寒四
嬋娟不矜翠袖薄澹然暮忘歸吟想初不著要當臥深
林飛花送芳酌清夢牽玉堂野情付孤鶴

寄椒園侍御

騷雅傳江左由來重沈詩寒螿風味在見陶穀錄蠟屐故
人期時董浦將南歸黃絹從公乞清名荷 聖慈誰能更高臥

心事付漁師

往者聯袂屐同為林下游謂令兄房仲及查七倫宣門選佛諸君春燈吳

市酒涼笛蜀岡秋小別逾三載清吟緩百憂因君念儂

侶鴻雁滿滄洲

題楊妹子題馬和之畫東坡詩意

侍郎煙墨散榛蕪會寫東坡入畫圖想見清吟携笠屐
雪堂秋色晚模糊

金沙歸舟同穆門作

彈鋏仍為客兼旬偶滯畱斜陽連古堞輕燕掠歸舟農
事一犁雨河聲五月秋毘陵今夕酒暫爾浣羈愁

雨中寄壽門時立秋前二日
庭草春來履迹稀感君問疾過園扉多情乞得秋前雨
不負新涼白苧衣

早秋坐報國院池上

意行不覓路忽過暢師房日氣秋林薄城陰野渚涼於
茲供佛鉢大可泛魚牀坐久聞吹角空村易夕陽

題芟虛上人溪山秋晚圖

一峰橫野渡向夕生寒陰霜後木葉脫風定無栖禽阿
師意清妙小筆樵雲林我欲泛扁舟梁谿秋正深

采菱詞

湖中盪槳小女兒采菱不惜牽菱絲忽值鄰娃相笑語
轉船忘卻雨來時

月上橫塘水不流並船鷓鴣故沈浮郎來莫問妾何處
門外菱湖一片秋

寄巢詩爲堇浦作

舊境清華傍玉都飄然一枕自驚呼將家只近雞豚局
覓句新添主客圖敗屐從人笑東郭好山隨處當西湖
書牀茶竈流連地還有黃塵十斛無

過橋一棹水陰寬小隱真同廡下看深巷雨滋芳草合
平池風約落花寒故人車笠多同調往事煙雲笑罷官

更許開尊招白髮春來吟徧曲闌干
中歲清狂與畧同城隅來往落花風
瓜蔬飯飽客頻過
水竹居幽夢屢通未必買田如陸賈
常時上塚問龐公
西湖烟月東華士俗論揄揶一笑中
插架書多不諱貧六時設榻對修筠
門前幸少催租吏
林下尤多擁髻人三館舊巢應卻埽
五湖生計總因循
草堂只許吾家近未厭狂歌惱比鄰

題王茨檐乞食圖分得飢字

生不能力田復不工刀錐食貧固其理
豈慮豪士嗤偶
感陶公言欣戚隨所宜高情薄五斗
長吟乞食詩吾黨

子王子抱影居茅茨不愛胡奴米頗類東方飢作圖寓
雅尚千載相追隨清風渺粟里痛飲真吾師

芡酪用歐陽公初食雞頭詩韻同月日先生設

林寸田甌亭作

吾鄉六月雞頭肥青葉田田滿沙背風味最數錢塘湖
蓮房菰米差可擬樓中煮酒快嘗新赤手森然出波底
誰傳方法自廚孃作糜乃與防風比初看遶磨卷飛雪
忽訝輕綃漉清醴琉璃盃盛白玉光和以蜜味堪冰齒
此時合眼卽江湖十宿漁船紅藕裏不須遠憶會靈園
劈破明珠定誰美吾儕說食繼歐陽詩味清虛聊可喜

定知舌本戀餘甘一杯漫飲雞蘇水

瓶花齋曝畫用東坡次米元章題二王書跋尾韻

古來畫史工排毀何人妙鑒南唐李風流復有米家船
邢尹較量兼兩美高齋晒曝趁秋晴籤牋重見桓廚啓
蟬華居士舊題名丹青甲乙窮原委我昔造訪同羊求
看畫啜茶經幾秋井西不作華亭逝溪山面目汗膏油
勸君藏弃有深意莫令蝨魚生案頭詩成屋角日西趨
晚風動竹涼修修

齒痛和樊榭

夙聞牢齒法華池漱清虛胡爲迂夫病乘此悲秋初呻
吟出妙語響苔松風疎仲殊與坡老嗜好兩不殊遂令
食骨蟲口中爲巢居抱痛頰兩顴一飯愁懸車旁人笑
謂子子老工嗜書造物適相勦斯語或譬諸吾舌尚無
恙與世多齟齬行看顏髮衰何況骨之餘試問誦黃庭
更生知誰歟

李克用北嶽廟題名碑榻同樊榭作

唐家未造西日傾望春宮畔烟蕪生乘輿播遷等戲劇
何人義激鴉兒軍勤王乃自勝業里痛哭誓師清兩京
淮南束手堪一笑葛衣桐瓦勞經營胡爲渭橋復拒命

跋扈何止邀繁纓三垂岡上置酒處仰視落雁紛秋聲
區區幽鎮僅私鬪長戈健馬紛縱橫義兒已出河東路
腐鼠甘從城下盟歸來北嶽申報賽甕舛酒醴車載牲
旌燻滿山春色靜靈巫擊鼓兼吹笙大書中和歲月日
頭銜兼列司空名百廿八字無剝蝕蠶紙一幪松煤輕
諦觀老筆似截鐵勁氣猶可驅鯢鯨至今手痕在金石
史籍脫略煩譏評竹垞題識極考訂如以金篦刮眼盲
都官高侯好事者妙手撫刻波磔精嗚呼赤心家世著
簡冊鐵衣繡澀埋榛芳流傳此紙亦安用想見英爽尤
崢嶸題詩試問張夫子與辨黃初古鼎銘碑係天會十
二年曲陽縣

高君陳
模刊

白雲山房看梅

散策入西塢清游上社初泉喧知寺近地冷愛花疎寫
影留雲壑吹香度筍輿園丁不相識獨自理烟蔬

二月十四夜同周穆門胡又乾厲樊榭吳甌亭
汪旭瞻家北亭西湖泛月賦斷句四首

雨後沙隄綠漲平桃花無賴不聞鶯今年較似添遊興
卻爲春陰晚出城

幾日重陰昨夜風烟波何處著吟篷直教一雨收晴了
花影滿身清露中

透迤紅闌步障開繁香吹動水雲隈遊人只怪重城隔
誰忍春寒待月來

燒殘銀燭趣題詩爛醉清宵放艇遲看到月高山倒影
滿湖風定輒琉璃

春雨簡樊榭

已辨看山釀酒錢幽坊只尺去來便無端小雨妨行藥
轉訝春寒未拆綿舊友時叨雞黍社清遊人望孝廉船
題詩兼語陳無已小別江湖又一年

閏三月三日同人集湖上續修禊效蘭亭詩體

二首

良辰有懷俯仰自足樂此閏年清游可續山空洩雲湖
陰展綠悠然會心遠企濠濮

出郭攬衆妙情爲餘春閑時見林花落一濯風泉還禊
堂邈千載襟抱如相關簪履有嘉會置我鷗鳧間

同穆門樊榭甌亭南漪西顥飲吳山酒樓

百尺蒼崖綠蘚痕樓闌一半俯雲根花光到處雜啼鳥
江影有時搖酒尊白髮最憐遊屐健晚風忽度市聲喧
山靈別後還相憶他日詩情許共論

子陵魚

鯢魚因野老托體爾何微名自高賢錫生唯淺瀨依充

庖憐自遠下箸詎能肥五月桐江路腥風上釣磯

秋日泛舟至南山訪讓山上人

蕭然野幘共清游又趁涼陰上釣舟山北山南半藏寺
湖雲湖樹總宜秋得論茶事通三昧暫掃經牀爲小畱
雨不催詩還卜夜倚闌同聽響泉流

夜宿萬峰

落日隱疎林寺門向秋閉嘉我同遊人意外得小憩山
空夜氣沈風露溼幽砌徘徊待殘月湖影澹無際我非
杜陵翁但爲一宿計坐聞絡緯啼蕭蕭滿薜荔嗒然欲
忘言支纖同妙契

曉起坐契原艸堂復用前韻

合沓林巒露氣浮曉來倚檻認前游幾人方外消清福
一榻山中看早秋塵夢已隨疎磬斷詩情仍爲妙香畱
青蔬白飯尋常事好與三生作話頭

東湖舟中寄舒雲亭明府

蓼花疎處夕陽邊汎汎溪光八月天短鬢不禁風露候
長年漸熟去來緣高城落木已如此孤棹野鷗聊汎然
剩作小詩寄陶令筆牀茶竈待流連

當湖官舍同雲亭作

東湖鄉路近有約買扁舟野色通官舍溪聲入縣樓深

杯貪共話華鬢怯先秋商略平生事長吟一散愁

秋日弄珠樓

出城多霽色放艇過東湖葉落見蕭寺水寒明野鳧海山秋可辨漁火晚仍孤不盡臨流意元真醉可呼

八月十三夜坐

不寐看河漢月高風露沈遙知百里客獨倚一船吟水鳥夢初覺菰蘆秋已深梧桐鄉畔路枕手聽拏音

寄皇甫古尊時客吳中

璚花市上把離杯我亦秋中一棹開海國寒多聞雁至吳船客少寄書來比鄰舊占清漳住別路誰教白髮催

往事悠悠那堪問無因游釣共徘徊

秋夕寄顧寸田

別離堪一笑老去素心違野戍連鄉路西風戀袂衣人如湘浦遠書寄估船歸寂莫裁詩處因君憶釣磯

中秋坐月

凭闌忽惆悵風物與羈愁今夕最圓月一年過半秋星河連海曙塔火隔城浮何處喧歌板鄰家醉未休

得雲亭秀州書

宰官踪跡並閒鷗忽有書來話秀州此段詩情最荒率采菱船上賦中秋

過蘿軒先生東湖別業

不識南岡路西風引杖藜名園幾易主荒壁少畱題一
水浮莎檻千村接稻畦寒松兼宿艸回首已淒迷

弄珠樓賦送陸抑齋侍御

白髮東湖兩寓公蕭然握手聽離鴻西風暫對故人酒
北道重看御史驄絲竹有情淒別曲禽魚無計戀孤蓬
臨岐一語尤多感何限羈愁落木中

張鐵珊以家泉二器貽雲亭明府同試龍井茗
竹壚松火舊因緣飲水誰如玉局仙一笑開緘清到骨
滿天梅雨泛湖船

西湖茶事擅幽芬誰貯家泉待使君漫與肉人論此味
一杯清坐看秋雲

東湖曉泛

放艇意何適汎然消百憂涼陰古渡曉白露野田秋水
草媚清景禽魚同此游微聞吹畫角浩蕩海東頭

水仙廟下望海

無因飛檝問蓬萊洗眼雲濤亦壯哉盡日西風吹海立
無邊落木送潮迴清秋何處蛟龍氣列戍空聞鼓角哀
指點水仙祠外路九峰畱客畫屏開

秋界

古防風國近家園靈草生時曉露繁一片秋陰滿深塢
焙茶天氣似頭番

秋來廟後摘雲腴手弄泉華注玉壺試與蛾眉較風味
亂頭粗服入時無

酌惠山泉

時重九
前三日

江南水驛遞來遲煎處涼煙滿鬢絲不用題糕作重九
把杯細和皎公詩

綠塵碾處記春前雪椀分來第二泉我是前身老桑苧
秋堂睡起看茶烟

重九前二日寄家書

冉冉黃花候秋光劇可憐青山百里外野客五湖前冷
節宜中酒新霜未折綿團藥應有約十日待歸船

弄珠樓雨望

曉色在烟水興來出郭看天浮海市近山入柘湖寒一
雨能延客九秋同倚闌蘆中有閑地爲我買漁竿

集弄珠樓賦送凌榆山先生還華亭

竹漁莊上泛觥船屈指于今十九年雙鬢塵埃悲老大
五湖風雨話纏綿醉翁已著歸田錄杜甫頻叨送別筵
前月餞別抑齋于弄珠樓誰道無心傍鷓鴣青雲終藉故人憐

簡鐵珊

春雨齋集 卷六 二
聞君高枕看雲烟小別鶯花三月前門外唯通柘湖水
客來不問庾家船建安作者幾人在甫里風流此日傳
落拓東塘一相訪買魚沽酒話涼天

客中對菊

客裏黃花如故人分來小墪露華新明朝准與西風約
料理江湖中酒身

貼貼涼陰滿綠苔籬根細菊趁秋開花時何物過重九
乞與寒蒲幾輩來

昨歲鄉園風雨時玉醅一瓊浸霜麩白頭只向東籬立
吟徧陶家九日詩

帽簷低映菊花黃底事西風笑老蒼幸少催租人敗意
爲君翻案作重陽

雨中望九峰

曉起罷清盥出城聞歸鴻遂登湖上亭蒼茫辨九峰天
寒川樹微水落潭島重不攜清尊來何以話幽蹤

寄恒上人

秋晚方閉院烟水何蕭然忽憶湖上僧藜牀安枯禪流
連東林夕共結餅鉢緣故人遞賡唱清絕同涼蟬離合
詎可必我泛南湖船道在苦迹異身病慙名牽山空黃
葉落月上清鐘圓期子行脚來一宿菰蘆烟回首獨惆

舊雨齋集 卷六 三
悵急景催華年

立冬日舟次

勿勿歲功晚江湖刈荻秋丹青變木葉鷗鷺占汀洲計
日開家醞方冬憶紙裘水村敲側過百里亦閑游

過桐溪

問訊桐溪路溪流清貫城曉來寒雨止客泛一舟輕魚
稻多豐歲盤飧荷友生及山空有約未抵薄游情

曉過石門

抽帆過古戍曉日已三竿井落經冬出河聲繞郭寒烽
烟尋故壘詩酒逐閑官待轉黃蘆曲家山得飽看

他鄉

他鄉忽相值舊事話兒童問詢比鄰少獨來門巷空河
流淒野日樹色易霜風歲晚難爲抱依依酒琖中

烟雨樓

旅泊逾三宿南湖向晚游白雲孤塔迥寒雁一城秋此
際聞吹笛何人更倚樓水烟蕭瑟處爲我寫清愁

舟中同雲亭作

淹留不恨到家遲枕上鳴榔信所之歲晚香秔新飽後
天寒江橘半甜時溪山得句元無價風雨同舟亦預期
想見西湖清景好白雲紅樹正參差

初冬集復園池上

城北閑園在重來十月期霜晴開水檻木落見苗茨自得荒寒意宜添主客詩爲鄰憐歲晚應辦草堂貲

雪中分咏舊事得陶穀煮雪

聞道秋聲館寒天逸事傳玉塵收散漫松火耐烹煎動頻沾絮鬢低易溼烟當時侍歌舞何似一尊前

仿范石湖開爐四首

十月開爐佳會避寒獨下簾釘著箇駝裘烏帽倩人圍上重屏

三瓊新醅浮白一盆軟火通紅博得今宵歡喜老夫已

困蒙茸

向暖茅檐新葺禦冬榻子仍糊比是田家月令新詩爲賦開爐

敗葉門前一寸重簾日上三竿料理今年寒事地爐氈帳蒲團

十二月望後一日集弄珠樓

又作登樓客年光漸逼除煙波看異縣尊酒話離居帆隱海門樹霜寒柘水漁扁舟共謠咏歸夢早梅初

冬閨用唐光威哀聯句韻

罷繡寒天逢九九圍爐時節記三三慵來呵凍梳妝髻

晏起熏香理黛衫歷歷綺疏朱鳥閉重重屈戍鑰魚銜
寶鐙常滿珍宜子珊枕橫施喜號男雪作肌膚應不讓
珠爲名字定無慚眠烘八繭神絲煖悶對雙鬟絮語喃
歌板檀痕憐暗搯釵翹翠朶愛斜簪避人佯走顏微啟
畏冷低顰媚更含意緒冬郎吟句好風流周昉畫圖諳
琴中靜思分明訴錦上迴文仔細參腰鼓迎年聲漸緊
脂花餞臘燄仍甘雕筵獸火催春到笑指山茶放日南

人日集江聲草堂以昌黎初正候纔兆涉七氣

已弄爲韻

靈辰風日佳暉暉媚春弄招邀過艸堂談諧聊一縱吾

儕兩手閑但爲詩酒用故人陳壺觴新泥破臘舊喜見
野竹萌已入春盤供鄉園舉佳節清吟屢相送珍重物
華新梅花結閑夢待謁臯亭神扁舟刺烟葑

春夜宿藝舫同穆門樊榭堇浦甌亭分韻

東湖雨初歇湖水一篙新城外泊孤艇酒邊來故人艸
堂煩埽榻詩卷各隨身此夕流連意無嫌漏下頻

葉迎坡松窗陸紆齋耐士鮑咸吉招泛東湖

又向煙波散寂寥扁舟出郭路非遙岼圍楊柳欲藏寺
花引春帆忽過橋一榻且酬高士約兼旬多費酒人招
竹枝試譜東湖曲何限鄉心醉後消

送雲亭北歸

極目多芳草送君方北轅五湖惜分袂一雨最消魂酒
盡別絃急帆開古戍昏離愁滿容鬢去去復誰論
早歲方爲縣俄聞讀禮歸白華誰更賦清淚已頻揮麥
浪收江雨楊花卷客衣天涯倘相憶驛使望音徽
世已無公等清吟隔歲聞行看吳苑樹夢斷北山雲雞
黍盟終在塵沙路忽分扁舟不忍發應是爲鷗羣

上巳日同人攜酒湖上展月田先生墓兼修禊
事用楊鐵崖花游曲韻

柳枝踈地春烟濛杜鵑一夕啼東風誰家酌酒松楸裏

殯宮冷對重湖水佳辰聯襪出郭門嵐光如雨壓帽裙
孤山寺北赤山埠去歲朋游今日墓多情一爲逝者來
如共夏侯生前杯已別林陰悲漆盃更向禪關聽茶版
斜陽催暝六橋西雲影花香憶昔題尊前舊雨蓬萊使
漁子樵翁各三四山陰故事分吟牋亦抵山陽感舊篇
同人遊虎丘訪深草堂

麥風吹澹蕩送客過吳關且辦百錢飲同尋一簣山魚
城春草徧鶴市白雲閑曾與支郎約青鞵幾度還

雨中登虎丘同鐵珊作

小泊江南聽雨舟不關風物也遲畱幾家白紵聞歌處

一簇青山繞渡頭金虎消沈悲斷蘚銀塘日暮起眠鷗
登臨倍覺添惆悵此後詩情屬倚樓

吳江舟中再送雲亭

八測津頭楊柳烟故人相送滿吳船明知南北各千里
翻悔江湖話一年遠道但教眠食好新愁應共尺書傳
酒闌更作通宵語風雨烏啼倍可憐

初夏陸紆齋招遊陳山

平生愛山心幽討苦不足吾友頗好事扁舟曉相告迨
迨柘湖東興與沙鳥逐首夏氣轉和陰晴欣所矚縈回
田水中幾折入林麓直上白龍湫一峰如滑玉滄溟從

東來羣岫爲枝屬俯視但烟樹城郭浮新綠中有一斛
泉萬古不盈縮遺民昔栖遯白首工著錄生涯同織簾
取辦晨炊粟惜哉耆舊凋地志無由續誰爲祠粟主一
瓢薦湖淥結茅未可期往事空棖觸行當畢婚嫁塵外

訪逸躅

李潛夫先生隱居
陳山著九峯志

題陳氏紫微堂牡丹

詞臣將命歸來後手種奇芬在鏡湖承露尚疑青菡萏
壓闌不羨玉盤盃當時軼事傳家乘從此春風入畫圖
應共吾家紀清節卻金亭外海天孤

吾家仲翰抑齋公
奉使長沙亦有卻

金事

潞琴行爲汪秀峰作

涼堂雨過開夕陰挂壁瞥見龍唇琴云是前明潞藩作
中和小篆填黃金憶昔南都更新主抱琴來窺臨安土
遺老猶傳佛子名新聲定有家山譜西湖慘澹青燐烟
枯桐罷響啼杜鵑阿誰拂軫試一彈滄桑舊事同流傳

瓶花齋百八酒器歌

瓶花齋中修酒事邀我來觀縹緲之飲器一百八種富
收儲形模如載考工記我聞方岳田頭詩石上窪曰山
尊彝科斗文字古所垂雲雷饗饗蟠夔螭胡爲旅人爭
新奇製爲杯杓讌飲宜土花滋潤誇官藝淚痕蟹爪無

織疵御府一器價不貲越窰風露世所希前明欸識辨
歲時永厚宣薄皆無譏醮壇茶瓊還留遺或爲蓮花或
菌芝小者雞缸輕蟬卮眼中磊落乃見之酒味判別涼
暄差量腹所受分銖錙觴行到客客不辭憶昔開尊叨
末座屏當絲竹爲清課屈指東風百六過畱髡一石無
不可我雖小戶興亦頗慣見長瓶臥研左往事回思二
十年摩挲舊器心茫然元家食具隨飛烟羨君寶此何
異王郎擅點燈會客重畱連花時徑向糟牀眠

雨中過恒公丈室

湖光繞寺門西風敲柳岬上人敷坐處一榻劃秋半墊

花紛苔階疎桐陰佛案娟娟葵弄黃嫋嫋籬引蔓水香
菇葉肥雨重瓜蒂斷畫本思南村學圃語非謾未暇疏
艸木聊供林下玩俄聽候蟲鳴冉冉知歲晏霜露日以
繁卉物遂凌亂從師掃單牀覓句同一粲

玉帶橋雨中秋荷分韻

橋外西風上釣舟渚荷颯沓動清愁一尊近水秋先得
萬柄招涼雨不休疑有湘靈鼓瑤瑟忽看翠羽滿芳洲
哦詩待與篙師約白袷新寒且小畱

湖上晚歸

到處惜清景西風滿目前涼雲逐歸鳥暮色淨湖天向

郭秋難狀迴舟興尚偏比鄰艸堂近相訪及炊煙

擬左太冲招隱詩

山中桂枝綠秋氣淒已深商飈庭際來颯沓非清音歌
我招隱曲彈我枯木琴幽人秉素履匪徒薄朝簪時會
適有異所見殊飛沈閉門散縹帙游目洞古今旣遠公
府出永遂閑園心哀哉蓬累士風塵徒駸駸芬馨逐錙
銖瑕類尺與尋胡不耽道味飲水娛冲襟落落千載下
猶聞黃鵠吟

城東訪秋用李義山詩中平字爲韻

步屨從幽討喧聞此地分溪光橫古堞暝色入蕭雲黃

蜨隨人至清砧何處聞東籬應有約相與對斜曛

挽宗人鳳岡

萬化俱垂盡此情胡未忘年華看墜葉藥物誤空囊舊業漁竿在虛帷夜雨涼吾衰寡同調不忍賦山陽

八月十七夜吳山看月得聲字

山頂木脫夜氣清不聞人聲聞蟲聲中秋已過秋尚好亂雲解駁止復行城中茲山頗突兀直上共恃芒鞋輕不知身世落何所招手徑欲登蓬瀛烟嵐明滅不可辨古堞上與闌干平漸看東海一鏡吐未覺左界斜河傾林影滿地開畫格磔磔時有栖鶻驚故人攜我坐蟾窟

金瀾瀉酒白玉笙露華洗盡桂枝溼沁入肝肺尤空明吾儕乘興事茲樂注眼不繫虧與盈去年看月柘湖曲寒潮九派紛相迎扁舟作客轉惆悵照影已覺霜毛生尊前會合頗難料何況歲歲殊陰晴羣公豪飲我且止臥聽秋柝傳高城

九日簡顧萬峰湖上

楚水荒寒一棹移招尋竟爾過茅茨人如鴻雁仍爲客興盡溪山屢賦詩鬢畔西風吹暮節尊前黃菊憶東籬登臨此日翻惆悵索米憐君在路岐

飲南香草堂歸賦呈葑林

彈琴無復雉朝飛中歲關心賦采薇里巷舊游多健在
壺觴樂事肯言歸草堂兒女頻牽袂細雨黃昏自掩扉
獨有高情憐楚客天寒先問芰荷衣

爲萬峰賦哀詞

胥口相逢處蕭條正坐禪如何憐遠別竟爾隔重泉夢
醒吳船雨魂消楚樹烟阿兄更淒絕連榻記當年

過東林塔院與更生夜話

水宿依然百里程爰山歲晚尚闌情鐘聲纔罷雨聲作
一夜江湖聽到明

尋常握手似搏沙歲去空驚赴壑蛇我媿樂全老居士

伏梁猶記寫楞伽

冬夜重宿藝舫

晚泊東湖棹欵門君不嫌廚人具雞黍燈火話茅簷歲
逼清愁劇身孤百事兼南枝有芳訊應笑旅情淹

舊雨齋集卷六

舊雨齋集卷七

錢塘 施安 竹田

繡谷亭藤花歌得六月以下

春來風物相牽拂乞花償酒過三月吳郎道南相招攜
紫藤一樹花正發亭中捲幔香四周山蜂忽喧晴霞坼
漏日愔愔出短簷緣堦疊疊盤高格白頭種樹記前人
一歲一看轉蒙密我昔曾泛賀家湖青藤老屋未蕪沒
池光汎汎花濛濛畱得春痕在畫壁眼中惆悵人代非
三絕難尋古狂客何如君家此藤樹數世長養閱霜雪
况復好事繼若翁畱客盤殮供筍蕨興酣更遣吹紫簫

吹落繁英撲巾襪

三月十九日雨中泛湖

郭門船不待招呼老去重尋舊酒徒
小別溪山經月後飽嘗櫻笋幾人俱
三春晚晚風吹絮一棹空濛雨滿湖
爲語吾家蓮社客憑將水墨寫橫圖

莫春集南屏山房看湖上新綠分得先韻

風日此尤好憑闌衆綠前林陰浮遠漲
山色被春烟啼鳥不知處落花方寂然
僧廬燒筍候幽事記年年

寒食樊榭招集湖舫時西顛自閩中歸

東風初試夾衣輕忽漫逢君載酒行
晴色最難逢冷食

年光容易近清明楊花燕子時相逐
白髮青山倍有情此際正憐鄉味好
回船試共煮蓴羹

夏日吳山酒家題壁同穆門鹿田葭林敬身董浦甌亭

白雲一磴一徘徊長夏蕭然曳杖來
坐看人烟通小市醉邀江海入深杯
前遊尚記題名在高唱真同畫壁回
倚徧闌干當落日晚潮迴處近蓬萊

題賞雨茅屋圖

故人結書屋卑于白鷗巢聯榻夙有約
聽雨時相招予方困溽暑濕氣同蒸炮
亟思走淨坊坐卧青林均俄頃

陣雲至當午翻天瓢四簷聞撒菽昏綠沈山腰泠泠七
條弦中有古飢蛟如游護世城美膳分齋庖頗徵老農
諺芄芄潤新苗一飽庶可期甘受饒夫嘲阿師吾宗秀
墨香浮方袍題詩繼玉壘永矢風雅交

題戴文進中山游獵圖

榴花五月紅坼苞髯君策蹇風蕭蕭一鬼前導負酒瓢
一鬼捧劔行且跳衆鬼猙獰不敢踟髯君奴隸視爾曹
指揮叱咤隨所教謂爲小獵無弓刀烏烏畫角兼鳴靴
最後一鬼鷹繼絛長經繫以六尺葵山中猛獸方訶哮
白晝噬人成貪饕髯君瞑目森蝟毛驅使衆鬼殲佞妖

山精駭伏薜荔號盛以革囊束縛牢須臾瞑色沈山椒
道逢驛舍恣燕敖割鮮行炙傾濁醪阿妹朱唇吹鐵簫
霞衣綵縹垂雲髻長竿縛火明絳霄丹青一一窮纖毫
我觀此圖爲動色云是錢塘戴生筆丁香奇特世無匹
頤真千里庶仿佛方今有物瞰人室羣巫醉飽鬼胥悅
安得髯君爲掃除豐狐老獬去無跡

挽葉齋

朱鸞鍛逸翮不得凌紫氛霜風吹芳蘭無由揚青芬吾
子真健者弱冠空其羣翩然貢玉堂古器含氤氳一旦
紆墨綬飄搖南海濱爲親致祿養手自漚中帚竭來吳

越郊相見彌殷勤既敦行葦誼詎以車笠分坐我艸堂
上唱酬唯卯君餉以紅蓮稻薦以青泥芹即事趣彌永
念往情愈殷吏道日拘迫丹墨徒紛紜吾子任汎愛不
擇猶與薰蛾眉信皎皎衆口方狺狺幽憤裂肝膈膏火
遽自焚蕭條旅館中長逝傷幽魂老親淚已枯寡婦啼
不聞玉樹旣早埋楊枝安足云書籍竟何託硯田誰共
耘宛溪返舊宅敬亭空暮雲余忝同岑好感之爲酸辛
何年渡江楫雞酒醉孤墳

葆田先生客雲陽寄示哭子詩賦此慰之

子規啼處雨潺潺似聽鄉音話故山顧况有詩悲地下

客兒無夢到人閒愁侵艸色煙俱綠節近春衣淚尚斑
騰喜君家餘一鷓雲霄萬里趁秋還

時四君棹以臚唱第二人歸省

湖心亭題壁同設林甌亭

到此無煩賦濯纓孤亭面面俯空明六時但有蘋風至
五月來看梅雨晴船舫靜移聞晚笛烟嵐橫抹入高城
老夫坐卧琉璃上此段清愁畫不成

七月七日集萬峰山房分得然字

新涼引雙屐入林風颯然叢薄收宿雨漏日明午烟閑
房藉追暑一榻何靜便秋花繡苔壁幽篔通瀑泉俄聞
齋鐘動流響來簷前泊然開靈襟奚止熱惱捐上人方

外契茗果同流連參詩亦餘事且盡岩壑緣何必轉法
華佯狂譏枯禪

七月十四日雨後吳山看月分韻

清風來山南卷雨過山北颯然秋意生新涼便游陟陰
崖度流螢蒼蘚啼促織誰令物候移感之爲悽惻琳房
閉層岩道人此棲息向夕置酒尊忽爾幽興極開軒面
林扉湖影出昏黑須臾山月吐萬象不可匿團團爛銀
盤尚畱一髮蝕照我白頭人不嫌風露逼天公厚吾曹
清景豁胸臆仰視河漢斜徘徊破曉色

四照亭看雨用賈仲穎詩句雨聲中爲韻

亭角蕭蕭落木風看山訝許故人同不知身入翠微裏
但覺雨飛秋色中沙溼野鷗閑汎汎寺門烟柳晚濛濛
小詩未盡荒寒景更遣丹青學惠崇

堇浦招集寄巢秋禊

金氣溢歸餘涼颺占月令爲歡重佳日百里况合并禊
堂秋更清一觴紆逸興綠萍冒方池青林轉斜磴寒蟬
時一吟野卉猶交暎感茲風露多彌覺雲物淨曠焉緬
前修憑闌展謠咏

閏七夕湖上

銀塘露重鷗不飛汀葉倒影秋四圍闌干月上砧杵動

奮雨齋集 卷一 五
清光此夕何依依當頭再見斜河渡靈簫罷響蛩夜語
扁舟依舊泛烟波底事西風悲獨處

復園池上荷花

愛爾園居占水隈炎天風物淨塵埃過橋沙鳥晴相浴
並檻荷花晚故開清簟便思終日坐扁舟不記幾回來
垂楊面面疎簾外誰唱佳人白玉杯

送謝山赴蕺山書院山長

江上扁舟趁晚晴羨君真似鏡中行授經久擅深寧學
捨宅猶傳逸少名知有清吟酬地主謂太守補不妨小
飲避門生扇紈題處游蹤在何限青山爲送迎

送周雪舫運判賑饑吳淞

何事西風撼水犀頻教桑梓困流離魚鹽總屬蒼生計
輸輓尤煩廉吏爲萬竈烟沈秋漲後九峯天淡夕陽時
看君吳會傳嘉績罷酒獨吟鴻雁詩

題青藤道人風雨歸莊圖

道人筆勢如風雨橫掃墨汁浮空濛何處烟波最竒絕
秋聲萬頃五湖東

題家蘭垞探梅圖

吾家有詩老心跡最蕭閒但爲梅花出偶吟春雨還清
寒入杖履風味在家山有約臯亭路扁舟埜水灣

篁菴對菊

物候黃花晚幽探到寺頻秋痕畱藥徑野色上僧身濁
酒喜相對吾廬意轉親柴桑隔歲約爲語灌畦人

集復園送雪舫出塞分韻

關河風景正蒼涼策馬送君愁轉長樂府乍聞歌出塞
酒杯無邨近重陽天山吹角三秋壯沙磧連雲萬里黃
此日刀環先有約零丁莫惜鬢毛蒼

竹南書屋爲鄂筠亭觀察題

官居愛蕭閒醉日蒔野竹翠色被苔衣虛聲解秋籜中
有獨吟人冷然諧鳳曲

高城畫角閑落日波濤息掃榻延春陰紅雨紛欲滴手
把韋郎詩幽賞供日夕

東風吹柳花煙景不可畱啼鶯如勸客起以尊酒酬西
湖正晚晴冥濛散春流

白公履道居鑿池通牀下何如官閣中禽魚樂閒暇微
聞菡萏香風露當清夜

春風來幾時綠上萬柳條朝烟一披拂掩映紅闌橋曷
不招戴顓聽鶯攜酒瓢

夙辨五畝宅前臨種魚軒春水一夕至稍覺萍藻繁竟
日看唼波濮上何足論

城隅海氣周沙水通一徑誰占吳淞秋中有白鷗影風
景礙垂虹臨流發謠詠

閑地拓百弓位置樹與石地偏愜幽賞步屨隨野色不
羨方外名題詩鐫蘚壁

過僧舍訪澧源

荒街秋雨歇戴笠過橋東寺近菱田綠僧分芋火紅闌
珊十年舊傾倒一尊同我亦悲身事悠悠江上鴻

九日同遊城東報國院用薩雁門九日詩韻

散策來過小市頭烟邨寂歷對殘秋青山黃菊爲誰好
落葉寒雲相映流到處畱連感陳迹隨時物色入新愁

登高已覺筋骸減祇愛精廬自在游

題博山上人照

長年遂疎嬾名山未得從回首塵土內幾見烟霞蹤偶
訪靜者來正值秋陰重阿師城中居野寺苔花封煮茶
汲飛瀑挂單依高松似徹風旛義頓證聲聞空在家與
出家此理將母同一椽乞阿師願爲香火翁

送陸紆齋廣文之壽昌

客裏無端別緒新渡江爲話近游頻去程正值冰霜晚
官况休言苜蓿貧西塢畱僧開畫版雙臺垂釣問漁人
定知學舍攤書處招得干峰作比鄰

玉筍先生歲暮自濟南歸里同集瓶花齋分韻
得九佳

白髮招攜與不乖地鑪圍坐話蕭齋逸書知向濟南乞
小飲偶同河朔佳雞黍交情元不忘林泉事業况無涯
梅花雪裏供炊餅大好殘年暢此懷

炊餅事用元
遺山詩

立春日集清勤堂同用春字

物色年光兩鬪新招邀歲歲過比鄰梅花開處先經雨
雪意酣時始入春白髮傳杯添故事東風剪韭屬佳辰
座中不少山王侶容我清狂索句頻

元夕甌亭招集瓶花齋賦武林踏燈詞四首

一片銀蟾照地明壽安坊底踏燈行豪家都作春前賞
預祝東風五夜晴

鄰女新妝試髻鬟晚晴相約上吳山纔過十廟香塵滿
聯臂幽坊踏月還

聽罷元宵鼓一回誰家笑語隔簾催分明舊夢沙河岸
妝點春風竹馬來

不畏春寒徹夜游六街行處列星球居民解說錢王事
燈火杭州勝汴州

舟行餘杭道中入西溪

閏年花事遲偶果春前諾東風泛小刁久晴溪路涸紆

回可十里閑處得栖泊河渚俗頗淳蠶漁欣有托柴門
水竹繁幽意何紛錯山影赴春潭澹翠篷上落吾儕事
清游詩境藉領畧遙知主林神喜我便邱壑向夕聞烟
鐘微茫度香閣

西溪山莊曉起看梅

看花清盥後幽興未全疎殘月一林外春寒千嶂初亭
臺猶不改水竹最相於待與園官約繁香漫埽除

泛舟西溪過曲水秋雪諸菴

橫約支門寺轉幽蘆田曲曲繞春流客來笑指花開處
紅雪依然僧白頭

飛塵應不到僧房分得花時溪水香更約閑鷗泛秋夜
瓜皮船卧雪中央

永興寺訪馮具區先生手植綠萼梅

白雲橫溪溪不斷上有精廬隔修坂支筇幾里始入門
忽見梅花開兩本我憐祭酒手植時看徧東風供繾綣
一株崛強如凍蛟冰雪滿身香不散一株枯腊半生死
別有孫枝著花晚地冷何嫌苔蘚侵春歸頓覺芳時遠
花光老人畫不如誰將水墨寫偃蹇梅檀清供在護持
百年天遣梅魂返當年題詩邀東澗前輩風流今已罕
眼中耆舊况飄零應共此花增淒惋相期買宅西溪西

燒筍年年就僧飯

上巳日脩禊湖上兼展月田先生墓

三月風光似會稽
喚船仍出郭門西
乍收春雨山俱近
忽轉垂楊路欲迷
槐火石泉真勿勿
故人宿草已萋萋
一杯未盡平生約
忍聽殘陽杜宇啼

送樊榭謁選入都

清尊稠疊賦將離
春草才名未易知
親老正需三釜養
家貧轉惜一官遲
扁舟水鳥畱行客
落日塵沙上鬢絲
燕月吳雲相望遠
定牽鄉夢過茅茨

雨中柳漁招同諸公泛舟北郭看桃花用少陵

江畔獨出尋花韻七首

今年嬉春興轉劇
日日預愁風雨狂
扁舟出郭僅五里
已有飛花逐檣牀

連畦芳草傍河濱
穠李夭桃競一春
乍雨乍晴天氣好
白頭拚作乞花人

鮑婆橋外野人家
高下荒畦盡種花
擬向園官乞方法
明年抱甕作生涯

青篷載雨一溪烟
荒塚啼鴉春可憐
記得韋郎三月句
桃花飄俎柳垂筵

枝港彎環西復東
曉寒一陣酒旗風
尊前漫唱吳孃曲

樂府新翻休洗紅
小柴門外桃李蹊春流三尺野橋低回船更穿修竹去
勸酒不待幽禽啼
屈指東風上已來黃雞唱曉苦相催主人有酒且盡醉
直得芳時懷抱開

舟過橫里懷平松兩先生故居

三月氣候暖出門理春衣盪舟三十里落日開林霏遙
指仲墅村野雲連翠微當時縛茅處蓮渚香四圍鄰村
蔭桑柘荒陂環漁磯咏詩有微尚終老期相依詎謂牽
物累鶴化竟不歸嗟彼歲月流兼之人代非蕭然懷古

意水木留清暉

胥江舟中與樊榭別

煙波舊路過垂虹三月詩情二老同何處送春兼送客
吳孃船上綠陰中

徐抑齋招飲茗雲艸堂

水竹蕭閑地十弓榻來高閣一尊同白雲青嶂若可數
蓼岸藤灣隨處通高氏林亭有寓客建安詞賦本家風
憑君指說鄉園景何限幽情暮雨中

秋日泛舟湖心寺分韻

湖南面面繞雲烟一簇亭臺似鏡圓僧占蘋花爲淨域

山分秋色上游船禽魚盡識幽人意詩酒聊同竟日緣
獨憑紅闌閑照影西風短鬢記年年

中秋後二日寄雲亭

高枕憐時序涼堂對薜蘿酒人隨地散詩境逐年多佳
節陰晴異西風鴻雁過緘書報燕市迢遞柰愁何

過篁菴分韻

日落市聲寂行吟野意長佛烟明古巷人語出修篁過
客清尊合露衣白露涼平生謝塵累還往半僧房

簡謝山

野寺頻攜手黃花暮節天微官終不屈狂客轉相憐旅

食分江稻寒衣換木棉比鄰誰好事相送酒酤錢

重九前一日過竹塋小飲

城東閑地舊游曾隔月相期與偶乘九日光陰添白髮
百錢風味薦青菱雨餘菜圃栖寒蝶水落河橋見晚罾
此意故人堪領畧往還應不藉枯籐

重九後五日得雲亭都下札

千里故人書殷勤雙鯉魚霜天聞雁後寒事授衣初招
隱身將老工時術本疎傷心潘騎省何以慰閑居

雨過南香草堂觀倪高士畫即用詩中平字分
韻

鄰巷秋光好陰晴晝忽殊偶來分半榻宛似在南湖竹
石供評泊溪山入畫圖風流緬陳迹高咏媿倪迂

食杏酪

仙杏堪爲酪清甘味益奇雪霏還繞磨乳重訝流匙漫
擬防風粥如吟白傅詩孱夫方病肺一器想分貽

題春淙亭

北山頻褰裳不得山中住憇此春淙亭庶以滌塵慮朱
闌覆橋上橋下萍藻浮芳餌不忍釣鯁魚從之游有時
石頭眠復向林中坐泉聲非世情殷勤似畱我白雲忽
鼓盪羣岫來周遭寺門逢野衲香飯時見邀歸路聞樵
歌其聲在澗底去來本不期各爲看山計

喜魏更生至

會合阻百里聞耕爰山烟歡然肯命駕暫泊湖中船衝
泥過深巷坐話殘秋天顧我依研北代耕比瘦田常期
豐稔歲喜色回茆簷探囊貫斗酒爲君助盤筵念君無
家客徒結文字緣泥塗慎所往白首耽林泉

哈密瓜分得十藥

燉煌漢所開沙水相噴薄物產唯美瓜入關蒂不落一
囊壓明駝幾辨絡緮索當時奉貴人內熱可勿藥焉得
清暑餘瓜飲以爲樂比鄰有吳均招客屏杯杓九十月

之交堆盤青玉削云何几席閒萬里見毳幕迢迢戎王
廬力不任耕鑿誰授齊民術種植徧沙漠前明通西陲
屢議戰爭略至今進瓜期不畏炎曦爍書生入市門取
大空相諛慚非大官賜偶供殘齒嚼毋煩慕從戎撫掌
資吟嘯

樊榭自津門歸同集瓶花齋

不問長安米歸期落木天衣從寒暑換詩爲道途偏秋
色湖田熟黃花酒瓊圓故園朋輩在欸欸話燈前

秋雨集飛鴻堂分韻

涼堂最宜人一枕醒煩暑清風如有約吹作檐前雨治

具得比鄰入門欣晤語纖絺旣可捐逸爵不知數頗遂
林下游魚鳥亦同趣河橋盪槳聲導我尋歸路

過繡林園有感

步屨曾過小石淙荒寒頓覺客情降祇餘老稚竹千箇
不見矚躡鶴一雙人共西風尋委巷樹移殘照上幽窗
山正華屋吾何感拚醉涼秋白玉缸

雙韭山民自越中來同集瓶花齋

故人與秋光來自新雨後鄉心越川岑客舍移物候巷
南池館清良讌非虛靚蘿陰風微喧石上杯屢覆痛飲
當忘歸奚暇問清漏

茨檐以詩見寄有思食羊尾及鼈之語戲荅二絕

地主頻叨一飽歡團團朝日笑空盤重裘九脇徒虛語
誰爲先生議食單

盧郎客至唯蒸鴨坡老書成祇換羊兩事并爲君占取
恐教蔬圃費周防

家蘭垞暮年始舉一子詩以賀之

老蚌明珠未算遲充庭佳氣滿秋期似聞人種得遙集
合有亭名繼客兒樂事初看苗在手暮年莫道髻如絲
華堂惜不逢湯餅誰和文房七字詩

七月八日霽後泛湖得來字

新涼如有獲興逐扁舟來况逢林下人吟眺蒹葭隈倚
闌邀湖影青山相低回微風韻疎蟬薄日明高槐佳哉
秋氣清一雨收纖埃我生感華髮節物爲之催從茲老
游釣勿慮閑鷗猜荷花三十里日日供尊罍

哭穆門先生

白頭里巷話交親卻爲先生倍黯神早以文章推哲匠
誰教工壑老斯人西風病鶴游初倦修竹菟裘計尚貧
會哭寢門皆舊雨一杯何處酹清塵

大科先達亦奚爲骭髀終嫌一第遲高允宜書徵士頌

看雨齋集 卷一
林宗不媿蔡邕碑用東坡句五湖舟楫悲長往七夕壺觴惜
此時地下若逢嵇阮侶定教杖履共吟嬉

寒夜有感

往事餘三載清愁積半生乍聞寒雨歇猶剩一燈明黛
色空鸞鏡雲中憶鳳笙淒涼孤枕畔酒醒數殘更

晚出東關同柳漁作

久雨釀寒色蕭條倚暮津野橋初背郭鄉樹尚隨人幾
度愁行李誰當算釣緡吾生如束哲莫訝近游頻

雨中泊臨平

黃蘆瑟瑟語西風燈火沿流望易窮誰遣殘年同作客

扁舟心事寂寥中

石門舟次

扁舟此何夕重泊語兒溪樹引寒雲過天連野戍低栖
鷗歸雨後晚市閉橋西明發由拳近鷗邊跡未迷

滄浪亭分韻

我爲吳會吟仰止濯纓處斯人去已久名與滄川古野
田行徑微曲折迷處所小亭殘照明鴉影昏可數僧廬
颺茶烟石枰泐寒雨慨焉緬陳迹一尊如晤語臨流重
徘徊折葦吟荒渚

武丘寺

烟際名藍試共登入門山色一層層吹簫又作三年客
罷講如逢六代僧斷磧鶴歸迷野水空亭日落滿寒籐
知君未厭青鞵興歲晚還看載酒能

胥江寓樓

沿回小棹問吳城望裏炊烟次第生香稻分嘗逢歲稔
敝裘爲客趁冬晴簷端霧樹橫山色渡口霜鐘識寺名
聞道梅花開此日不堪棖觸故園情

爲柳漁題竹深荷淨圖

何處堪畱客風來修竹林生衣映寒碧小簟展清陰曾
入篔簹谷微聞鸞鶴吟南牀敷坐處記否此時心

何處堪銷暑白家池上涼此中宜酒舫隨意咏滄浪明
鏡瀉清露晚風來妙香憐君幽興劇未許卧江鄉

歲暮送謝山歸鄞

泛泛無根舟江海從所適朝發西興渡已覺鄉程迫煙
波送日月渺若鴻雁隔夫子越中彥久任儒林責舉手
翻銀河洒作著書墨琅琅出素蘊頗媿肉人識不持一
錢居未省盤飧缺頻年客杭州已類故園客杯酒破愁
顏吟晤對佳色殘年瞥眼過川塗紛雨雪昨宵瓶花齋
爲我告離別孱夫慘不歡默坐念江國交情比重裘暖
氣生肘腋常恐只尺閒動有千里憶嗤彼連牆人白首

不相覲餘耳汨勢利結交竟何益君歸對妻孥酣喜動
鄰壁堆牀飽蝨魚短袖從拂拭我知次公狂僅免都官
謫握手期獻歲花時更浮白

調甌亭

並馬朱衣咲出遊夜闌吳語定綢繆年來祇恐風情減
一賦行雲已白頭

檀板金尊往事過卅年細數酒人多清狂尚有梅村老
重與王郎喚奈何

再簡謝山

鮎埼亭邊古堞開江聲幾夜送舟回漫因雨雪愁蕭瑟

君到故鄉春已來

泛舟出東新關至臯亭看梅

首塗發河澣言訪梅花叢是時暄寒并約畧花正中夕
陰生衆壑岑風浮輕篷牽挽水偏沁演漾勢漸東數樹
出竹岍醜馥因微風坐待皎月生未信谿路窮夜色斂
晴萼一洗春烟空

晚由金家堰步至崇先寺

村近人語喧到岍櫓聲緩岩扉入倒景自笑目力短不
疑花光明反訝白雲滿散策步石梁迤邐意非嬾一亭
界溪流浮瓣去未遠望中初地幽不厭竹門欵小廚起

晚烟瀟水挈石盃

宿臯亭山下田家

嚮晦辭香寮道半逢田父相邀共至家
草率出濁醅此鄉安耕漁風氣近太古
茅舍八九間屋角梅盡吐溪渠
鴻鴻鳴支枕清可數

遊中塔院遂歷上塔院

一峰欲東往一峰仍西迴嗟峨衆峰斂
釀出萬鹿胎丹梯近可接夤緣登香臺
馴犬時一吠棲鴿俄相猜仰瞻上方靜
隱隱鐘魚催續篋滴幽響小雨如飛埃
松風導我前歷歷畫軸開萬象鬱清氣
決露無凡材妙香接諸

天造語誰能該

桐塢

詰曲微徑穿漸出松頂上肩摩雪紛敷
攀嗅不待仰桐塢介山路疏鑿成沃壤
僧祇望衡居精舍意相仿執花安四禪
時有白雲養竹露漬壤衣苔色上齋
榜荒寒愜鳥情疎豁謝俗獎矯首丹嵯
深荷鋤將獨往

月明菴

忍草被澄潭屈折繞香界修修苦竹叢
隔水結幽砦苔枝橫畫格歷數非一派
朗照掣禪縛偃蹇破俗械幸少翠羽啁
且戒勿翦拜山僧修幾生不冝種花賣
譚經上

層臺天半出梵唄

撒沙夫人廟

神爲倪氏女南渡初避寇奔匿患瘡痍而卒葬山中後金人南侵神

著靈異撒沙退敵事聞封護國夫人建廟祀焉

秀嶂倚天外縹緲春烟升幽徑窸窣入漸次拾級登循
碑感竒蹟肅拜瞻高閣茂樹天影合畫壁嵐光蒸青虵
出煤帳仙鼠緣香鐙靈風颯然至中有神所憑奠坤配
地媪血戰師橋陵隱然捍大患祀典闕廢興嗤彼紛若
巫豈爲求福應

晚入靈隱

行藥有餘興相攜入道場春多從野步山近易斜陽忽

傍石橋轉始知泉脈長今宵烟月好寫影在僧廊

冷泉亭坐月

春山值良夜待月能忘歸偶坐碧潭上清光紛四圍容
容漾石壁灑灑搖烟霏纖雲有起滅月固空所依何地
山不幽茲游見更稀香林花氣靜深殿佛火微幽淙時
一喧峭寒生客衣境清無隱物賞異多新機還期采真
游飽茲筍蕨肥

西湖競渡曲

郭門只尺接湖濱畫舫烟波午不分忽地蘋風颭人影
參差如見習流軍

入時雨霽葛衣涼疊鼓敲殘未夕陽齊向琉璃屏上泊
柁樓面面見新妝

數峰黛色散晴烟夾岬紅葵壓酒船好爲山僧參一語
西湖風景似西川

風外垂楊見畫旗一清堂下水差差不堪老去心情在
只爲家江紀歲時

山陰寓中得葑林札

節序看黃菊鄉愁聽雁聲老來真善病事去輒關情驛
路青山近江雲古堞平煩君貽尺素正及晚潮生

聞西顥之武昌時余客越中追送此詩

青山白首夢依依百里辭家興已違此日江湖秋色晚
向來歌哭酒徒稀叅軍幕下工蠻語名士天涯老布衣
分手東西倍惆悵送君不及塞鴻飛

聞雁

征雁爾何意寥寥向夜鳴疑兼涼雨下忽導一舟行高
閣酒初罷殘燈天未明此時萬籟寂羈客倍愁生

秋日書懷

西風策策榭林黃盡日行吟繞曲廊短髻從渠秋色改
青山知我野情長闕心華黍終難補過眼殘書總善忘
賴有交游問眠食吳綿昨夜試新霜

題商寶意課子圖

仿佛城南屋吟君課子詩書聲鄰樹出門徑野鷗知他
日畱三篋重來借一鴟阿戎紛繞膝應不是常見

送更生還桐谿

憐君江上泊孤篷底事清尊只暫同官舍燭殘聞夜雨
海門天淡見歸鴻塵埃未必容身隱鱸粥尤思望歲豐
倘許移家鄰角里會應料理祝牛宮

晚秋感事

破帽重看鬢已蒼九秋天氣試新霜愁城落葉增蕭颯
鰥守寒更自短長神女不歸巫峽夢仙源偏在水雲鄉

一尊更乞東籬客爲采黃花寄北堂

蘭渚舟中

九日南湖上扁舟鏡裏行斜陽明斷塔落木下高城秋
色自渲染白雲爲送迎重來嗟老大節物倍關情

立冬前一日登龍山

風物何淒緊登臨亦自娛霜清吳樹落雲散禹陵孤海
色浮層壘城陰上野蕪回憐小腰舞樂歲有鄉巫

渡江

烟樹戎戎驛路邊西風吹上上潮船溪山祇是前身境
忘卻重來又五年

哭吳雪舟

白首吳船客，俄聞凶問來。
江湖難再見，懷抱詎能開。
生計無三窟，交情負百杯。
寒天思執紼，腸斷北山隈。
豈爲儒冠誤，長謠戀采薇。
路隨黃海遠，夢與白雲歸。
客裏誅茅未，鷗邊把釣稀。
城東來往處，帆影想依依。
過眼滄桑事，交親兩世中。
生兒慚逸少，嫁女得癡翁。
硯具貧家稱，書郵異縣通。
劇憐吳市酒，分手慰途窮。
如君復何憾，於我獨傷神。
泉路多知己，尊前少故人。
琴書欣有托，燈火夢無因。
他日陳雞酒，愁看墓艸新。

題樵風涇圖

頭銜曾署玉堂仙，底事烏篷任醉眠。
辦得丹青引歸夢，樵風吹過白鷗前。
烟水論交指越州，十年前遣酒船留。
賀家湖上西風裏，無數荷花笑白頭。

越王祠和雲亭

平蕪莽莽郡城隈，指點雄圖盡劫灰。
鴉影忽翻殘堞過，潮聲閑繞故宮來。
千秋烏喙真何物，一舸鴟夷竟不回。
畱得荒祠分社火，年年埜老奠蒼苔。

題幽篁獨坐圖

泠泠翠竹護幽居，大好東頭小飲初。
彈罷孤絃塵不到

烟啼露壓共蕭疎

苔山陰王古草

清明寒食兩番游
春雨絲絲上客舟
十五年來雙鬢改
只除詩卷話從頭

臘月十一日集桂堂爲恒上人四十壽

吾宗釋子棲淨域
香火因緣泉石情
合是芙蓉一峰主
真成天竺古先生
畫工小景烟雲滿
詩到殘年冰雪清
千歲巖前敷坐處
但攜茗椀祝長庚

以詩寄雲亭是日適得來書喜而占此

西與渡口驛樓邊
百里詩筒來去便
卻值憶君君憶我

樵風吹送孝廉船

除夕

爐火初溫夜色微
誰家疊鼓隔林扉
從教一歲垂垂盡
預祝東風緩緩歸
堂上慈顏應有喜
尊前老境近知非
載艖迎富真何事
准擬明年伴釣磯

二月十五日同人展穆門先生墓于湖上之青芝塢用皮襲美過張承吉處士丹陽故居韻

先生石室閉烟霞
彈指流光每痛嗟
已約炙雞來墓下
不堪聞笛在鄰家
十年酒琖稀今雨
二月春愁爲落花
蟲臂鼠肝元一例
達觀底用說無涯

渡錢江

二月仍于役扁舟晚問津鶯啼江畔雨花暗驛樓春還
往愁關吏波濤信榜人早衰堪一笑不用賦勞薪

穀雨前二日同甌亭遊蘭亭

春晚理遊事扁舟出郭西暖雲開曉嶂健水入荒溪觴
咏人何處烟霞迹已迷青鞵如有約與爾問嵒棲

同人遊曹山

澗路有窮處忽聞人語喧傍舟雲氣入觸石浪花翻萍
葉浮僧榻魚苗上水軒悠然濠濮意吟罷更誰論

春來臥病忽近寒食悵然有作

春波春艸望中明節物匆匆祇自驚一百五日寒食近
四十九年白髮生楊柳東風連巷陌杏花疎雨徧江城
病懷此際真無賴不用催歸杜宇鳴

雨中桃花

桃樹垂垂發花時客倚闌一枝禁細雨三月釀春寒短
髮喜相映東風莫漫殘杜陵江上咏只作故園看

予臥病山齋聞雲亭有渡江之役賦詩送之

子棹王郎舟我臥巖維宅春江社雨懸驛路野桃發迢
迢孤燭夜悒悵素心隔五斗詎足恥幽懷在林石高人
尚爲吏何辭道旁謁憶否蒼巖中燒筍期歸客

三月晦日送春

節物如行客離杯意暫親長吟賈島句一問鏡湖春野
店楊花晚江田麥浪新無煩咏南浦曉色雨如塵

新夏鐵珊過山陰見訪次雲亭韻

雨餘物候漸妍和乘興知君曳履過野艇忽隨江燕至
春衣初試麥風多老來骨月聊相慰時兒子學廉自京師歸客裏
清狂自放歌卻羨謝公山澤意時吟佳句對羊何

小寒日鐵珊見過

年華匆匆似征輪百里相過未厭頻浩蕩烟波一漁艇
蒼寒風味兩詞人向平婚嫁元為累季布交游不諱貧

底事尚尋煨火樂山中宿老是比鄰

鐵珊寓西湖之佛寺

歲暮喜雲亭渡江見訪

相過屏軒騎知君此意真聊為雪堂飲休訝食單貧老
樹昏檐影寒燈動酒鱗殘年惜良晤容易別愁新

雪後送雲亭還山陰

門外清光曉更妍寒聲彈上七條絃共看三白送殘臘
忽憶一簑非去年去年是日同雲亭渡江土木形骸容我病泥塗
趨走為君憐梅花折得應持贈好趁王郎雪後船

舊雨齋集卷七

舊雨齋集卷八

錢塘 施安 竹田

題秋塍先生鏡湖課耕圖

以下
辛未

夙愛鏡湖老屢訪樵風涇衡門面西郭中有香茅亭先
生坐臥處錯磨山光青圖史列左右雜以濁酒餅童稚
有野意花藥棲餘馨客來叩經義戶外車屢停祇知戀
鄉井無復夢禁庭方春告東作荷鉏隨田丁四體戒其
荒百室廼得寧用以資伏臘衣食匪苟營樂哉魚稻鄉
何年縛柴扃我亦農家流願讀耒耜經

袁簡齋招集南湖書屋

南湖游釣記前時玉照堂空花信遲廊檻面城添野色
園林隔水見橫枝一春多是冰霜候七字誰吟苦硬詩
畱取清寒招舊雨高樓短笛不須吹

懷鐵珊

東湖曾繫艇舊雨屢移觴此意一何厚平生詎肯忘溪
山成契闊鷗鷺信行藏覓句思張籍何時過艸堂

讀顧丈月田秋陰詩有感

秋陰唱罷失歡娛重讀詩篇百感俱燕子華堂春色換
墓門宿草淚痕枯滄江又見騎鯨客謂穆門先生白首空尋
賣酒壚諸老風流銷歇盡習家池上看菰蒲

偕竹疇過小眠齋不值時西顥客閩暫歸

只尺翻相憶經旬一叩關鄉園餘幾輩奔走各衰顏濁
酒醉何處青鞵晚獨還憐君仍物役身世幾時閑

初夏泛舟北郭分韻

一雨宜幽事延緣北郭隈路從荒渚轉舟傍野陰來花
氣通僧舍溪光上酒杯勝遊兼少長吾意亦悠哉

蓮若菴看罌粟

城隅物色在僧家野艇招尋路未賒一榼自攜桑落酒
餘春來看米囊花茶烟裊裊綠陰靜菰葉青青白鳥斜
猶有幽情期不負鬢絲禪榻送年華

雪舫自塞上蒙 恩免歸棹過武林同集瓶花

齋

絕塞俄聞罷戍歸相逢漫說壯心違鬢毛不爲邊沙改
鄉路先看楚岫微樂府刀鐙三歲約西湖觴詠幾人非
一官得遂家園樂似乞 新恩伴釣磯

爲椒園侍御題杜少陵南池

杜陵游跡在異代得重尋貫酒仍羈旅憂時但苦吟
蘇痕三徑改柳影一池深歌罷迎神曲涼風動夕陰

夏日集湖上分韻二律

霽色迎梅候移船出郭看丹青滿臺榭煙日媚林巒荷

葉纔堪把風陰易作寒畱連爲合并未許客情闌時雪舫北來

故人憐契闊游事忽相仍野樹綠無次湖烟晚更澄興
來尋鱸具詩罷付溪籐更約攜雙屐雲峰上幾層

得椒園侍御都下見寄屬和詩

蹤跡鄉園會面稀迢迢芳訊問巖扉如何官馬黃塵裏
猶有深情到布衣

好句真堪主客圖雲龍追逐興偏孤秋風鱸膾如相憶
定剪青燈話五湖

題張岡卿藻川鋤經圖

舊雨齋集 卷八 三
珥筆依然近紫宸田廬未許遂閑身試聽廡下書聲好
定是他時井大春
毋煩牧豕羨高風玉雪諸郎已不同爲說取禾三百本
田間別有荷鋤翁

送家北亭之閩

圖書整妮上扁舟直爲江山賦遠游高枕元非吾輩事
離筵忽動長年愁蓬萊地近神仙宅滄海雲生島嶼秋
到日楓亭荔初熟折枝肯寄阿兄不

寄裘漫士閣學

江湖有嘉會往者笑語同西風判別袂三年等飛蓬出

處理匪一離心抱忡忡平生有微尚守盟如守窮烟雲
阻遙睇鄉問稀來鴻頗憂困羸疾伏枕成老翁閑居感
節物微吟類秋蟲

聽雨山中游泉聲導入寺叢篁秋影中巾鞵動涼吹樂
事詎不常隔年仍把臂虛堂樺燭香離筵黃花醉君歸
迫嚴程霜颺送征騎屈指星幾周太息分索易余將狎
野鷗烟水有閑地君如啖芋人早儲宰相器冰雪淨襟
顏磊落經世事想像玉河吟風度乃不啻

兒曹燕市歸捧君一尺書盥手再三讀古意何勤劬中
有南游詩字字瓊瑤琚齋心探禹穴看山涼雨餘森嚴

備典禮玉珮垂華裾晚田大江楫秋色明歸墟吳楚與
燕趙歷歷停使車周咨及民隱蒿目爲歛歔更攀泰嶽
雲小坐青蓮趺颯沓雷雨至想像神靈趨玉檢有故事
懷古重踟躕琅然發高咏下界聞笙竽我媿心力孱因
之酬和疎永懷君子意伏枕空悵如

六月十七日同人迎秋湖上分韻

西風蕭瑟動溪林際曉湖邊載酒尋涼意似添三日雨
秋聲卻費一蟬吟洞庭木落人將別時鐵珊將歸當湖隴首雲
飛晝易陰莫漫回舟斜月上隔城先聽擣衣砧

秋暑不克踐南湖之約作此解嘲

城隅烟水隔荒街遊事空思少長皆應被荷花笑疎索
秋來孤負筍皮鞵

題李潛夫先生遺集

試讀遺編一愴神蜃園荒後少比鄰衣冠滄海知何代
薇蕨西山尚有人老去誰能辨牛蟻客來強起話松筠
織簾賣履心期在畢竟清流等致身

由下天竺尋繙經臺三生石諸勝

山行愛早秋清興入煙屨同遊如不速遂果北山諾寺
僧喜客至導我度橫約久晴泉脈枯落葉響幽壑佛屋
面五峰青壁瘦如削定林秋暑微曲路轉參錯一坪若

覆盂其上古蔓絡傳聞謝客兒繙經此棲託循徑入崕
呀陰洞暝可愕俄看斜影明滿地秋漠漠不見吹笛人
誰證三生約斯理旣茫昧片石賴鐫鑿所幸往蹟存聊
爾娛寂寞吾儕事幽討選勝窮嵯嶢侂佻雙樹林佛烟
蔽層閣

冷泉亭坐月

我行明月隨照我坐泉上泉聲與月色一一落幽賞清
秋詎不佳意外有新貺藻荇交橫闌忽聞寒玉響疎林
驚宿禽薄靄開層嶂琉璃坐諸天寂若逢梵放茲游增
白髮樂事話疇曩空亭小盤礴巉猿荅清唱

詩中兼憶
巳巳春夜

之游

秋日游天竺訪恒上人白雲堂

精廬猶在翠微隈一徑荒寒落葉堆手指青松論前事
白頭還爲打包來

桐帽棕鞵興不孤晚來一飯乞香廚白雲堂外袈裟地
添寫風流二老圖

空階雨歇咽涼蛩門外烟蘿秋影重定裏不知茶版寂
月華已上第三峰

一峯雲起數峰陰涼雨吹來風滿林多謝天公解畱客
秋聲添得住山心

憩三生菴

爲愛五峰好清游記廿年垂蘿陰曲磴野竹亂秋烟飯
罷諸天寂雲生一徑偏葛洪川畔客相與話前緣

雨過坐六一泉上分得寒字

古寺蕭寥十笏寬蒼然野色滿林巒雨餘荒蕞蘚花淨
葉墮空亭秋影寒曩哲流風猶在眼幾人異代獨憑闌
攜瓢惜不追坡老誰與摩挲斷碣看

遊白雲堂爲江聲先生壽

人與秋俱澹看山興不禁烟霞三宿約杖履百年心高
閣層嵐合疎花暮雨深醍醐同一飽珍重爲君吟

燕市從游後蹉跎鄉問疎還家耽野服投老賦閑居歲
月山林古身名仙佛餘年年高會在襍被記僧廬

寄壽椒園觀察五十初度

道味官心兩絕殊青州酒熟正垂弧羣推詩學過江夏
卻數年華似達夫鈴閣香清秋月皎琴牀坐近野鷗俱
慙予遠奏南飛曲腰笛何時到海隅

八月四日集桂堂爲甌亭五十壽用坡公集中

天竺送桂花分贈元素詩韻

小山風露曉初乾折贈疑從玉局仙花下故人方命酒
眼中秋色已增年艸堂金粟期同賦白髮蟾蜍影共妍

曲罷不辭還起舞簫聲吹度絳河邊

悼亡詞爲堇浦作

彈罷湘絃夕漏長水沈香冷儘淒涼人閒尚有嬋娟影
無復春風鬪佛裝見雜助編

舊日春愁悵不同馬嗟花謝畫闌空玉梳零落妝樓閉
閑煞尊前白髮翁

寄雲亭

清秋首相聚浹日袂已判談笑成良覲節物嗟易換舊
交漸零落誰與作詩伴樵風過江來佳句愜所願千巘
萬壑閒芳訊匪中斷開緘誦百回路近聲可喚疊疊金

石心母爲簿書亂

八月二十三日五十生朝自述

落拓心情與世違年光冉冉已知非吹簫吳市蘆中客
射虎南山短後衣三徑薜蘿秋色晚一尊絲竹舊人稀
西湖風景何煩乞我與閑鷗共息機

換骨無方歲屢更倏然欹枕似忘情樗蒲久乏中人產
里巷何煩長者名從此林泉供跌宕向來詩酒污平生
衰頽鏡裏顏非昔敢謂桑榆競晚榮

未能搖筆三千牘聊復閑居一畝宮日力漸輸衣食內
童心猶在笑談中畫闌桂樹有今夕禪榻鬢絲娛此翁

只合年年祝強健角巾漉酒對西風

金粟香中汎酒船團樂一室總欣然關心白髮斑衣日
彈指春風竹馬年陶令諸男猶可責左家嬌女劇相憐
鞭鸞笞鳳吾何敢便說狂歌也得仙

重九前三日集吳山賦送雪舫北游同玉筍鹿
田江聲東壁葭林堇浦硯林甌亭容安蘭垞分

韻

家山愜登臨節物天所賦初入深巷中俄出萬松上徐
行信不危吾意亦蕭放將以送遠人詎誰供幽賞西風
作峭寒吹雨度遙嶂蒼蒼海門秋極目不可狀起爲游

子吟和彼蟋蟀唱江湖霜霰多行李慎獨往搖鞭入燕
市酒人定無恙擊筑與彈箏其音悲以壯吾儕巖壑情
樂事從所尚不畏筋力衰自笑屐幾納數枝東籬花一
斗漉新釀說餅聊預期離愁或相妨無計畱君行隨君
夢烟舫迢迢千里心瑤華慰惆悵

悼張南漪

垂橐京華歲屢過劒鐔零落重悲歌平生心力耽書盡
故態清狂中酒多八月歸舟無郭李九原知己有羊何

謂龔明水符南竹

舊時門巷經過數目斷西風滿薜蘿

千里相思舊雨情還家忽忽買舟行已知名士稀年壽

誰信離居判死生身外石田逢歲惡卷中詩筆與秋清
河東三篋還畱在忍聽諸孤夜讀聲

以蟹送甌亭侑以二詩

又是西風稻熟天柘湖紫蟹不論錢履霜一曲吾猶記
彈到爬沙絕可憐

仄行曾入考工記左手猶煩畢卓持特與君家充口實
江湖風味菊花時

十九日葭林招同謝山泛舟過復園歸憩南湖

慧雲禪寺分韻

閑居惜佳辰瞥眼過重九曄曄東籬花霜力寒未驟城

隅煙水區扁舟落吾手故人置幽墅頗類輞川口入門
循修廊斜陽映衰柳不見覓句人導客煩園叟南湖指
僧廬捨宅記誰某佛傘塵網昏經闌土花厚猶存約齋
像逸事藉不朽試香薄寒天此樂今亦偶幸茲荒率游
談笑得二友嬾誦登高文但醉漉巾酒斜街歸路紆俳
徊昏鴉後

雨中集篁菴同江聲葭林堇浦容安甌亭雲亭

謝山分得先韻

小徑漸洳起暮烟河橋近與寺門連獨吟秋色荒街裏
竝坐明燈古佛前樂事家園仍此夕故人旅食又經年

謝山借寓菴中
西風寂歷生幽夢
夢向東軒聽雨眠

雨霽雲亭載酒桂堂池上分韻

草堂觴咏笑頻仍
轉巷無煩策瘦藤
白髮何嫌幽興劇
新晴翻覺薄寒增
苔皴疊石秋花亂
風定荒池野水澄
冷節匆匆旋錄別
扁舟潮落望西興

送雲亭渡江

意外逢君十日留
歸心又趁布帆秋
黃花後會不同醉
涼雨一宵增此愁
誰信奚康成嬾慢
元知謝客最風流
登高望遠多根觸
有夢烟波向越州

友人惠鮮鮓

蒼鱗誰所餽
來自水西鄉
忽助秋盤鱠
宜先釣客嘗
荒畦蔬可摘
下溪粳尤香
只此供饞腹
尊前興不忘

至日葭林招飲

閒中冉冉物華催
井底微陽回未回

東坡句

獨臥家園逢

至日早衰筋力恕
登臺尺書忽枉梅花約
野客先分竹葉杯
好待湖邊春水動
與君喚艇共裴徊

病起喜晤雲亭

合并元不料
匝月悵離居
見面憐衰疾
隨身困簿書
冰霜寒事早
里巷近交疏
潦倒同岑意
清吟重起予

時以新詩

見示

白首盟終在幽栖晚未專米薪增閏歲藥裹送殘年清
絕開書地寒冬釀雪天何緣祛俗累高咏復高眠

雪中簡雲亭並示龍威

北風吹雪入檐楹落落如聞大蟹行閉日閉門真有味
衰年省事似無情猪肝久爲高人笑鶴俸猶分仙吏清
辦取敝裘生暖後老夫一任歲崢嶸

雪霽招同人集甌亭瓶花齋

草草供杯酌應知地主貧泥塗煩命駕雪意屬吟身白
髮同茲樂清言不厭頻因思芋火約淒絕跨驢人兼憶
恒上

人北
游

雪

敝廬一夜雪物候當小春草木淨荒穢耳目爲之新地
爐共炊餅頗念山中人寥寥窮巷曲誰與回車輪

憶梅花

忽憶梅花信江南路未通開遲殘歲雪落盡一闌風翠
幙寒香散高樓明月空淒涼半生意含恨屬衰翁

輓汪抱節

人日琴川信淒然念此翁十年成墜雨一慟爲春風黃
卷貽畱遠清尊笑語空梅花冰雪裏無復問詩篷
白首唯君在靈光世共傳猶思春酒熟一叩草堂前杖

履歸何處山河已邈然予生苦衰颯空撫伯牙絃

二月二十八日臯亭舟中看桃花以舟行著色

屏風裏人在回文錦字中爲韻分得屏字

春寒二月愁未醒花時但有風雨零同人急踐開沽約
小舫出郭穿回汀司家橋外不數里瞥見一株猶伶俚
我疑桃源在人境茅簷雞犬聲可聽居民托業唯老圃
徧栽桃李成畦町行窮溪路轉蒙密高下揜映桑柘青
縞夜眩晝各有態相對何啻尹與邢春流詰曲繞浦渚
野竹斷續通郊垆遠嵐一桁出花上雲霞渲染開重屏
散步偶逢田父語紙窗破屋風泠泠吾儕看花歲一至

那能襍被恣畱停災年行樂堪一笑乞漿何處逢娉婷
臯亭丙舍僅只尺寒松夾路春烟冥故人莫訝生理拙
抱舊行且隨園丁

雨中懷雲亭時在鎖闥分校

閉戶經年類礪阿思君不見愁如何東家西家桃李發
二月三月風雨多雞犬藥鑪久寥落珊瑚鐵網供搜羅
草堂有期還握手聽我斫地歌長歌

春夜雨後泛湖分韻

放艇宜清夜沿緣傍釣汀烟中沉浦樹杯底度春星絲
竹成前夢記與寸田抑齋葭林諸君夜泛已五年矣鷗鳥笑獨醒多情兩餘

月相照水邊亭

雨中雲亭招集湖上得四絕句

雲氣亂皴山影空扁舟閒望正冥濛白頭笑對垂楊柳
何限春愁細雨中

無窮官事得蕭閒有約禪扉共往還夜話亭中然燭坐
青山如夢水潺潺

吾憐東野詩情好謂玉池得句何如勝得官終歲全家湖

上住看花偏不畏春寒

酒場歌地半荒蕪太息前游空畫圖三月東風彈指過
米家山色雨模糊

泛湖過聖因寺

總宜船向綠陰開問訊精廬又一回不見高僧鬪茶至
卻隨幽鳥趁齋來青山有約還連榻舊雨何緣屢把杯
一笑宦游知此意勞勞車馬走塵埃

三月十六夜四照亭坐月得侵字

東風吹霽開遙岑明月欲出如相尋嵐光四合佛髻滿
塔火下射鮫宮沈故人舉酒惜良夜昨宵聽雨愁春陰
倚闌我無謫仙句長嘯定爾驚栖禽

湖上簡陳玉池

水仙池下暝生烟垂柳垂楊綠可憐此日鶯花非上巳

向來絲竹感中年官貧只稱攜茶具市近猶能貰酒錢
最愛掠波雙燕子爲君前導泛湖船

玉池招集湖上卽送雲亭還武原

東風吹絮亂斜陽蠟屐行吟野興長未必簿書爲爾累
將無魚鳥笑人忙林巒月上分僧榻湖水春深近釣牀
別去武原潮正落蓬萊樓閣對蒼茫

葭林招集南香艸堂聽雨

離居纔隔歲握手輒欣然又是熟梅候難忘聽雨眠雲
昏五嶺樹帆重一江烟此夕牽鄉夢迢迢孤燭前

兼憶
堇浦

謝山

西顥招同人湖上看荷花各賦四絕見示予以
病不赴如數荅之

高吟合乞水仙家小舫移尊湖岸斜怪道詩成涼到骨
輒琉璃上卧看花

曲曲紅闌傍水隈綠雲深處足沿洄菱羞芡贅尋常味
除卻家鄉無此杯

水亭莎檻一尊同傾倒花前白髮翁游事十年親見得
畫船六月雨聲中

林下杯鐺興不孤炎天有味在菰蒲扁舟弄笛垂楊岸
此段詩情憶我無

兒子廉同人北山道暑有詩紀游因成長律并
寄恒上人

石路陰陰暑氣微冷泉亭外想清暉愛閑但覺山心在
向老應知游事稀茅屋茶瓜分午鉢定林風露滿生衣
五峰隔歲題詩處惆悵孤筇約已違

比來卧疾不作湖上游因簡葭林甌亭

三月不見高士湖寥寥短策誰能俱許元度無濟勝具
宗少文有臥遊圖浮瓜沈李可爲樂左琴右壺時所須
十里荷花風露好水邊涼影思鷗鳧

不寐

殘宵猶輾轉不寐似鰥魚高樹下河影流螢拂綺疏取
涼空薤簟寫恨有蕉書荀令心情在蕭騷斑髻餘

伏日坐瓶花齋觀恆上人畫溪山小景

幽徑雲生翠靄重秋來苔蘚破吟蹤白團扇上無聲句
好在憑闌對五峰

西顥招集湖上不赴賦此索和

習嬾心情祇自嘲湖天景物望迢迢索居定有閑鷗笑
好事空煩舊雨招清露碧筍宜六月晚風涼笛第三橋
眼中歷歷前遊在賸乞新詩破寂寥

立秋日奉寄鐵珊

西風湖上小勾留高咏經年媿未酬謂去年湖上迎秋之會漢殿
蛛絲待明月齊紈刀尺響新秋涼暄屢改闕何事節物
無多易得愁不信鴻鱗成閒闊烟波夜夜夢扁舟

寄壽抑齋五十初度

束髮受詩書結交重風誼識君近卅年荷君以兄事駸
駸歲華流踪跡如萍寄平生所閱歷白首猶能記方君
就甥館敝廬相鄰比或攜阮孚屐或謀步兵醉或聽雨
對牀或吹簫聯臂有時造講堂據觚說經義有時探詞
源冥搜契神邃予慚墊鶴姿君實清廟器遂上白玉堂
讀書歷中秘珥筆立螭頭風雅相鼓吹君恩特改官

班心攝悍鷲當爲陽道州庶不媿諫議峩峩霜栢枝歲
久轉蒼翠故園五載別書來話顛顛舊雨各華顛清歡
雜夢寐翛然伏枕餘光景不停貽懸知閭史辰絲竹喧
酒地涼露沁碧筒妙香先逆鼻一酌傾一斗寫此清秋
意所恨阻南北未獲參游侍寄君雙鯉魚爲君充玉饋
雲龍上下閒良遇不可值試問奉朝請何如咏衡泌已
歷常侍年不過諫官位山林固有期婚嫁轉爲累寥寥
禽尚心千載同一致莫耽孟公俠而忘弘景誌江神有
前盟一笑且姑置

新秋寄雲亭

井梧策策墮空林，河影迢迢玉露沉。小有詩情感搖落，乍看秋色易晴陰。緘書但寄愁來語，乞米尤關老去心。淮海風流吾自媿，淖糜差可慰清吟。

冒雨過桂山堂聽曹桐君彈琴

主人盥罷開琴囊，一曲爲我彈清商。草堂新秋坐涼雨，枯木有聲客無語。浮雲飛絮愁春陰，恍忽江雁同夜吟。平生獨抱山水意，更乞君家調古器。剡船歸去何匆匆，試展長簟眠松風。

送丁誠叔之婺州

東游憐索米爲爾，更沈吟明發扁舟去。大江秋色深雲

霞五峰合魚鳥，一灘陰暇日宜懷古。懸知蠟屐尋

幾日東陽路，看君倚棹過行行。煙瀨裏往往翠微多，石磴垂靈藥。江田足晚禾，詩人有好語。珍重寄巖阿。

病中秋雨乍涼喜極口占

苔階雨過草蟲啼，病起心情悟絮泥。絕愛鬢頭涼更好，一龕渾似老闍黎。一枕單牀睡味清，研奩茶具任縱橫。不妨三日蕭蕭雨，聽作山中萬竹聲。

七夕

風露飄蕭秋影寒，沉吟時復倚疎闌。也知老去翻癡鈍

不共家人乞巧盤

送雪舫歸楚

酒琰經時許暫同飄然歸思滿西風夢回楚雨鄉程外
帆轉湘烟秋色中笑我未能追正始如君真合頌元豐
十年簪組關何事賸向西湖說寓公

雨霽晚過南湖四首

落日來聽樹樹蟬絺衣紈扇小流連南湖依舊花開處
閑坐僧廊看水田
六月荷花無處無水晶宫外半烟蕪遊人莫問滄桑事
多少秋光屬野鳧

石橋行處愛新秋獵獵蒲荷雨不休強被鄰翁記來往
一時風味似三遊

隔水園扉晚不開無人涼院試茶杯城頭祇有纖纖月
猶爲淩波照影來

城北泛舟晚歸

返景明遙岼城隅葭葦深水風清晚磬人語荅秋砧垂
釣知何客買鄰空此心相期畱物色分與後來吟

茨檐賦偷見詩同人屬而和之予亦繼作爲茨
檐廣其未盡之意

名士由來長物稀一番得失可忘機從知莊叟嘲胠篋

誰爲琅山問副衣圖史依然遮敗壁薜蘿無恙護閑扉
尊前咲向妻孥語正坐詩窮作計非

里居簡西顛

未踐山栖約翛然養伯齡苔花連石瘦秋樹過牆青跋

現工瑤瑟

里俗驅
瀉尚巫

酸文雜梵經

時近孟
蘭節

詩成關節物吟

就故人聽

曹荔帷見示雜體詩十章賦長歌荅之

金井涼多露華白絡緯啼烟破秋碧主人散髮不得眠
幽懷欲語無來客是時曹子爲我吟長謠短咏紛絡繹
自媿哦詩三十年此日對君有慙色老眼如看銅狄花

清音已叶蕤賓鐵汜人冰綃愁散裂作爲衣裳謝刀尺
後身賈島安足論往往妙語供悲乍定知作者蘊蓄多
笙典珠墳非摺撫昨朝更讀南湖詩扁舟坐月隨欹側
幾回循諷不去口人與詩境俱清絕世閒好景君得之
雕鐫肝腎愁何極才人自古例窮蹇奚事呻吟空四壁
明年獻賦白玉堂龍蛇草罷墨池黑誦君百篇酒百杯
傾瀉黃河入胸臆眼中觴咏有羣公八社風流繼往昔
惜我作歌今老矣無能筆硯爲君役

寄恒上人

一月家山有別離扇紈小筆寄來遲竹枝笑與人同瘦

鷗鳥何爲鬢亦絲窮巷交游三兩輩清秋風雨寂寥時
無因更乞安心法禪板蒲團憶阿師

訪荔帷不值

野意紛何適西風滿角巾
蘚花橋畔路秋色巷中人
白雪竟誰和清尊當重陳
小山桂之樹招隱託比鄰

與兩山別十年今秋歸里話舊悵然因賦長句
送君疇昔去家山忽見麻衣淚漬斑
客鬢重添十年老秋燈共話一宵閑
大江月滿潮初上落木風多雁未還
莫問兩家婚嫁事烟霞無地許追攀

題朱雪翁未了溪山小幅

雪翁遺墨散烟蕪太息人閒歲月殊
行過南湖話陳迹殘山賸水夢來無

題半野園圖


長安塵土裏僦屋得幽棲
花竹紛堪數春禽時一啼
竭來卅載別猶剩故人題
展卷生遙夢關河北望迷

秋雨集藉豁草堂分韻

結廬隨地好只合署書巢
酒斲分涼雨秋蔬出野庖
閉門蒼蘚積同巷晚陰交
我嬾過從便狂吟任客嘲

擬謝惠連秋懷

端居謝塵累幽懷遂蕭散
偶從鄰巷游用寫耳目疎





原件短缺

P21后缺

